

LIPOTSO LE LIKARABO

 Ha ke tsebe moo. Bona—bona mohlomong, mohlomong, ba ka e ngola hape. E boletse, “Esaia 4:24.” Joale, Esaia 4 e na le litemana tse tšeletseng feela ho eona, ka hona ke a . . . ‘me ha ke tsebe hore na u ne u bolela Esaia 5:24. E re, “Moelelo oa Lengolo leo ke ofe, ‘me le tla etsahala neng, Esaia 4:24?” ‘Me Esaia 4 e na le litemana tse tšeletseng. Haeba u ka . . . Mang ea e ngotseng, ha u ka nahana joale, mohlomong, le ho e ngola hape, nka fihla ho eona, u a bona. Ha ke tsebe hantle hore na u ne u lebisa ho eng, “Esaia 4:24, Moelelo oa lengolo leo ke ofe ‘me le tla phethahala neng?”

² Joale, nke ke ka le tšoarella halelele. Ke fumane e . . . ho lokile, kea leboha, moena. ‘Me ke fumane—ke fumane libaka ho ea ho tsona, le sena . . . Ua tseba, ke ne ke nahanne, ke ne ke e-na le lengolo mona, kapa, ntšoareleng, lengolo le tsoang ho Mongh. Baxter. ‘Me pele re qala ka litšebeletso hoseng hona, tabeng ena, nka—nka rata hore le—le rapele le ‘na motsotsotso feela.

³ Esale ke—ke tsoile litšebeletsong ka sepheo se setle ho fetisa ho kena—tšebeletsong ea ka mose ho maoatle, matsatsing a ‘maloa feela a tlang. Joale ke fumana lengolo le tsoang ho Moena Baxter, Moena Cox o ile a mpalla lona ka mohala maobane bosiu ‘me a mpha lona hoseng hona, hore ba leka ho e khutlisa hape joale, hape. ‘Me ha ke tsebe—ha ke tsebe haeba e le Satane ea lekang ho nthibela kapa ke Molimo o emetse feela nako e nepahetseng. Ke—ha ke tsebe. Ba batla ho e chechisa nakoana, ‘me ba ‘nile ba e chechisa feela ho tloha ka Mphalane. Mphalane, Pulungoana, Tšitoe, Pherekhong, mona e batla e le likhoeli tse ‘ne joale ba e chechisitse.

⁴ ‘Me joale pono e tlide, ke ena e ngotsoe ka Bibeleng hantle feela se tlang ho etsahala; empa neng, ha ke tsebe. Joale, ke boleletse batho feela (ka tumelo e ntle) seo ba mpoleletseng sona, ho itokisa nakong ena.

⁵ Joale batho ba nahana hore, kea lumela, hore ha ke tšepahale feela ka eona, “Oh, eng . . . ebe o tla fumana neng . . . Ebe o tla tsamaea neng?”

⁶ Empa ha ke fumana mangolo ana ‘me ba mpolella, “Be, u ke ke ua e etsa hajoale, ho na le *sena* se lokelang ho etsoa, ‘me *sena* se lokela ho etsoa.” Ke moo ke sa . . . ke—ke ikutloa hampe, ho tobana le batho. Ha ke tsebe seo nka se etsang. Empa ntho e le ‘ngoe, ke tla etsa sena, le lona bohole le ‘na; ke tl’o e nehela ho Molimo, le ho re, “Joale, Morena, ha U se u lokile, le ‘na ke joalo.” Le a bona? ‘Me haeba feela nka . . .

⁷ Ka linako e ling ke likereke tse tsoileng tseleng, joale ke lisvisa kapa ntho e ‘ngoe. Ua tseba, lintho tse joalo li teng feela. E

ka ba Satane ea lekang ho e etsa. Ka hona e re re sa rapela hoseng hona . . . 'Me nako le nako ha u rapela vekeng, le—le nthapelle le kope Molimo ho . . . Haeba e le Satane, ho mo suthisa tseleng. Le a bona? 'Me haeba e—'me ha e le thato ea Hae, ho ntšoara mona. Le a bona? O tseba hantle feela hore ho etsoe eng. Ho ka ba le ntho e eo A e phikolosang, ho hlophisa setšoantšo hantle. Ha ke batle ho Mo etella pele. Oh! Ha u etsa seo, ho a tšabeha. Le a bona? Kahoo ke—ke utloa feela e le . . . hore—hore e be . . . Ha ke tsebe nka reng, hobane ha ke tsebe.

⁸ Joaloka moena oa rona ea ratehang, George Wright. Bongata ba lona le tseba maemo a hae, ha ho joalo? 'Me le a tseba hore lingaka li mo teetse, o loketse a be a shoele nakong e fetileng ea veke, kapa ho feta, le a bona, Moena George Wright. Ka theoha ho ea 'mona, 'me tlase mono ka rapela le ho mo rapella ka botšepehi boo ke bo tsebileng ho mo rapella. 'Me eaba ke fihla hae 'me ka ipotsa se tlang ho etsahala. 'Me ka mor'a matsatsi a 'maloa, be, ka—ka bona pono hoseng ha Mantaha o fetileng, 'me e emetse . . .

⁹ Joale, ho na le e—ho na le mosali eo ke mo rapeletseng mofetše, 'me ka 'mona a ema a—a . . . Ba mo buha, a tletse mofetše feela, ba mo roka feela ba mo koala hape. Le a bona? Empa o tla phela. Ke tseba seo.

¹⁰ Empa, joale, Moena George Wright, pono ha e a ntlhakela. Ke ne ke e tla . . . Eona pono eo, ke ne ke tsoa 'me ka bona sa hae—sebaka sa hae, ntlu ea hae. 'Me ka letsohong le letše halia la ntluo moo lifate tseo li emeng teng, e—e sefate sa moluoane, hantle feela ka holimo mono ka bona makote a mobu, a batla a lekana le setebele sa ka, a ntse a thetheha. 'Me ka utloa Lengeloi leo le neng le eme pela ka, le bua taba ka lebitla le Moena George.

¹¹ Joale, e ne e ka ba sena, hore e ne e le lebitla la Moena George leo ba neng ba le cheka, kapa ho 'na e ka re . . . Joale, hopolang joale, nke ke ka bolela sena . . . 'me kaha ke lumela re fumane P.A. tsamaiso e sebetsang mona, kapa tsamaiso e hatisang, ke rialo. Empa joale ke batla ho e hlakisa, joaloka ha ke entse ho bona, ke nahana hore e ne e le sena . . .

¹² Ho ne ho ena le sehlopha sa batho tlase mono ba mo tše hang hobane a ne a lumela hore Molimo o tla mo folisa hoba ngaka e re, "O a kula. Be, a ke ke a khona, le a bona, lehloele la mali le kene matšoafong a hae, le ho tšoela mali, le ntho e 'ngoe le e 'ngoe." A re, "Thojana ea pele feela e eang pelong ea hae kapa hloohong ea hae, e tla mo holofatsa kapa e mo bolaee." Le a bona? 'Me o lilemo li mashome a supileng a metso e 'meli, o tlotse nako e baliloeng.

¹³ Empa ke lumela hore e ne e le sena, hore o tla cheka lebitla la ba mo tše hang, a cheke lebitla. 'Me joale, ke ne ke sa tsebe hore e ne e le mocheki oa lebitla, empa ke eena. 'Na, le a bona, eitseha ke nahana hoo, ehlile o cheka mabitla, ke seo a se etsang. 'Me

ntho e amanang le lebitla le ho cheka lebitla e ne e bonahala e le teng, kapa—kapa ntho e kang eo, le Moena George Wright.

¹⁴ Ke botsitse Morena joale, masiu a ka bang mane, ho mphethela eona hape haele thato ea Hae. E fihlile ho ella hora ea bosupa kapa ea borobelis hoseng ho hong. Kahoo ke t̄sepa hore O tla e hlakisa. Empa ke hlile ke lumela ka pelo ea ka eohle. . . . Joale, hona ke hore ke ne ke nepile ha ke re o tla cheka lebitla la bao ba mo t̄sehang, haeba ke e utloisia. Empa ha ke na bonnete haholo ka eona. E ne e le ntho e mabapi le ho cheka lebitla, le Moena George Wright. Ke hopola a ne a tla cheka lebitla la motho ea neng a mo t̄seha.

¹⁵ Joale, Molimo ke lerato, 'me, oh, re mpa re mo rata ka lipelo tsa rona tsohle.

¹⁶ Joale, hoseng hona ha re batle ho nka nako e ngata haholo ea rona mona lipotsong tsena. Ke tla li araba ho latela tsebo ea ka e khabane. Joale, metsoalle, nka etsa liphoso tse ngata hakana linthong tsena. Ke mpa feela—ke mpa ke le monna joaloka rona bohole. 'Me Moena Neville, kapa mang oa bareri bana ba bang, kapa joalo-joalo, a ka li araba kamoo nka khonang ho li araba. Empa, ke etsa sena ka morero, ho fumana se lutseng pelong tsa batho.

¹⁷ Joale haeba ke bona tse 'ne kapa tse hlano li hulela nthong e le 'ngoe, ke a nahana, "Uh-oh, ke rona banna. Moo, ke tsebang moo le leng teng joale, lipotsonyana tse ka hara kereke." 'Me joale ha re lebaleng feela ka e—e lipotsonyana. 'Me ntho e ka holima ntho eohle ke ho boloka kereke e utloana le leratong la Molimo, le ho tsoela pele, haeba bohole re ka lumela hore Mali a Jesu Kreste a re hloekisa sebeng sohle le bokhopong. Haeba mosali ea lutseng pela hau, kapa monna ea lutseng pela hau, haeba a sa lumele hore Jesu o tla—o tla hle a tle ka ho bonahala, hape, ha re lumellaneng feela wi—. . . ho tsoela pele le hona. Ha re lumellane le eena holim'a Lengolo. Empa tloong re tsamaise kereke ka kutloano, hobane ka mono re tla t̄soara batho ba bang hape. Empa ha kereke e sa utloane, ke moo u—u utloisa kereke bohloko, u sitisa morero oo. Uena. . . . ke feela. . . . ha u khone feela ho e etsa. Empa ha re ka khona ho lumellana ka ntho e le 'ngoe, hore Mali a Jesu Kreste a re hloekisa sebeng sohle (ke hantle) 'me sebe se tlohile, joale re haufi haholo le moeli oa hae, Moena Neville. Ha Mali, ha re le Bloo—. . .

¹⁸ Ke na le moholoane, re amana ka mali. Empa, khili, kamoo re sa lumellaneng; uh, ka bomalimabe. Empa, leha ho le joalo, re baena.

¹⁹ Joale, ke ne ke nahanne ka veke ena, vekeng e tlang, haeba ke sa ee mose ho maoatle, mohlomong. . . . Moena Cauble a ka tla, 'me o ne a batlile ho qala letšolo mane Louisville, 'me o ne a batlile ho fumana Polokelo ea Lihlomo eo re neng re t̄soaretse t̄sbeleletsongyana ea rona ea pholiso teng bosiusing bo bong. 'Me

Morena a etsa lintho tse ling tse makatsang. 'Me ea ba . . . Empa eaba ke fumana baena rōna ho tsoa Del Rio, Texas, baena ba Jessup, ba tšoere tšebeletso mane Louisville 'me ba tšoere sebui sa bona se khabane ka ho fetesisa vekeng tsena tse tlang. 'Me a bolela a sa tsebe feela hore na o tla tloha neng. Charles, kea kholoa ke eona, e tla ba etsahala vekeng e tlang, 'me ruri nke ke ka qala tsoseletso kae athe letšoolo la mofuta oo tsoela pele.

²⁰ 'Me hape ba tšoere letšolo la pholiso. 'Me ka hona letšolo la pholiso le thapama, thapama ena. 'Me kahoo nke ke ka batla ho qala seboka athe—athe ba tšoere kopano mono, hoba ke tseba seo e leng sona ho ba kae-kae 'me e feela . . . Oh, le a tseba, ha ke tšoere kopano 'me motho a tlole a qale kopanonyana joalo. Ha e shebahale hantle feela, ha e fane ka sebaka se nepahetseng, u a tseba. Ka hona re tla ema feela ho fihlela hamorao, ekaba Morena o tla re thusa. O tla re thusa, le hona, 'me ka hona re lumela feela le ho itšoarella le ho tšepeha ho Molimo.

Joale re tla rapela:

²¹ Ntate, ea Leholimong, mahlohonolo a Hau a re chabele joale ha ke tsoela ka pele ho araba lipotso tsena. Oho Molimo, feela . . . Tse ling tsa tsona mona ha ke eso li shebe le joale, 'me ke tse peli kapa tse tharo feela tseo ke—ke li balileng nakoana e fetileng. Ke a rapela, Ntate, hore U tle u nthuse le ho mpha bohlale le kutloisiso, hore ke tla bua feela se lokileng. Aba sena, Ntate. 'Me ke abeloe Bohlale ba Hau 'me Moea o Halalelang o theohe hona joale le ho aba bohlale bo hlokoang. Re hlohonolofatse 'moho kajeno, Morena, joaloka sehlotšoana sena sa tabernakele mona.

²² Hlohonolofatza moena oa rona ea ratoang, Moena Neville, mona, Ntate, o sebetsa ka thata, molisa mona tšimong ea lekhulo, ea—ea lekang ho isa linku joanng bo botala le ho li-clover tse tebileng, kapa kantle kahara metsi le ho khutlela morao sefateng sa moriti, le ho hlokomela bakuli le bahloki le ba holofetseng ba banyenyane le ba khathetseng le ho leka ho li phekola le ho li tlisa, e tle e be linku tsa sebele. Oho Ntate, ke U rapela ho tla mo hlohonolofatza. Ho mo neha bohlale le tsebo le kutloisiso.

²³ Le ho re thusa bohole 'moho joale, Ntate, 'me re tla U fa thoriso. Ka Lebitso la Jesu. Amen.

²⁴ Joale, ho tse ling tsa tsena mona, ke tla li ntša, ke li suntse feela likarolong tsa Lengolo moo li—moo li neng li loketse teng. 'Me joale re qala feela ka tse ling, le ho araba hantle joalo ho fihlela re ka fumana—fumana bongata boo re ka bo khonang. 'Me kea lumela re ka li fumana kaofela, 'me ke batla ke hlokomela mona hore re tsoe pele ho nako.

²⁵ Ntho ea pele ke potso feela, potso e otlolohileng feela:

8. Ke kolobelitsoe ke le lilemo li leshome le metso e meraro. Na ke loketse hape?

²⁶ Joale, eo ke—ke potsonyana e ntle eo e ka botsoang. Be, joale, motsoalle, kamehla ntho eo ke e tlohellia ho motho.

²⁷ Hopolang, ha ke tsebe...Eo ke eona eo ke sa tsebeng ea e ngotseng, ke eona ena mona, 'me monna o mphile eona ka boyena. 'Me motho e mong o mpotsitse potso morao mono eo ke lokelang ho e araba, 'me ha ba e ngola pampiring, 'me ka re, "Haeba ke fumane nako e lekaneng kamora tsena mona ke ne ke tla e araba."

²⁸ Empa joale sena mona, "Na ke lokela...Na ke ne ke..."

Ke kolobetsoa ke le leshome le metso e meraro. Na ke tla kolobetsoa hape?

²⁹ Haeba esale u le Mokreste nako ena eohle, ho tloha u le lilemo tse leshome le metso e meraro, molumeli ho Kreste, nka—nka itulela ke le joalo. Nke ke joale, haeba Molimo a u hlohonolofalitse le ho u fa Moea o Halalelang ho tloha mohlang oo.

³⁰ 'Me kolobetso ke feela e—e—e sebopeho, ke feela ho—ho bontša lefatše (kapa phutheho eo u—u leng ho eona ka nako eo) hore uena, ka pel'a lipaki, ho ipaka u lumetse hore Molimo o rometse Mora oa Oona 'me O ile a shoa le ho tsoha ka letsatsi la boraro, 'me u patuoe ka ho Eena u tsohile ho tsamaea ka bophelo bo bocha. 'Me bona batho ba u shebileng ha u ne u kolobetsoa ba tla kopana le uena Kahlolong. Le a bona?

³¹ 'Me hape joalo, haeba motho (moeti) a re, "Na le uena u kile?"

³² "E, ke kolobelitsoe ka ntho ea ka...lefung le lepatong la Morena oa ka."

³³ Le a bona, ke nahana hore kolobetso eo....Oh, ehlide ke re e bohlokoa, nke ke ka batla hore ha e bohlokoa. Empa e bohlokoa hobane ke...Molao o mong le o mong oa Molimo o bohlokoa. Ha le nahane joalo? Ho bohlokoa hore re kolobetsoe. Jesu o fane ka polelo ena ho Santa Mattheu, kapa Santa Mareka 16, O itse, "Eyang ka lefatše lohle le bolele Evangeli, ea lumelang 'me a kolobetsoa o tla bolokeha." 'Me mohla A neng buisana le Nikodema, A re, "Ekareha motho a sa tsoaloe ka metsi le ka Moea, a ke ke a kena le ka mohla." Le a bona? E tlameha ho kolobetsoa. Ke lumela ho quelisoa, kolobetsong, ka Lebitso la Morena Jesu Kreste, le ho tsosetsoa hape bophelong bo bocha, ho tsamaea ho latela Melao ea Molimo.

³⁴ Empa, u re, "Moena Bill, na u kile oa kolobetsa motho hape, ba neng ba kolobelitsoe ba sa le banyenyane 'me ba boela ba kolobetsoa?" Hangata.

³⁵ Ho na le—ho na le Lengolo koana ho Tšenolo, khaolong ea 2, le buang ho kereke, A re, "Baka 'me u boele u etse mesebetsi ea hau ea pele." 'Me bongata ba bona ba toloka Lengolo leo ho bolela sena, hore seo se bolela hore u tla tlameha ho khutla le ho

etsa ntho eona eo hape. Be, ha u ka elelloa, motsoalle ea ratehang oa Mokreste . . .

³⁶ Joale, ha ke hanane le sena joale, le a bona, hoba phaposi eabokolobetso e tletse. Re itokiselitse ho kolobetsa mang ea batlang ho kolobetsoa nakong efe. Empa ha re hanane. Haeba u batla ho kolobetsoa, haeba e le ntho e emeng tseleng ea hau 'me u ikutloa u loketse, e-ea u e etse. Ke hantle. E-ea u e etse. U se lumelle letho ho ema tseleng ea hau, u itlhoekise ka ho phethehileng.

³⁷ Joalo feela ka haeba—haeba u ne u nkile ntho, lilemo tse fetileng, 'me u ikutloa u lokela ho ea lokisa litaba, e-ea u lokise litaba. Ho sa tsottelehe seo e leng sona. U baballe tsohle li hlakile. Hoba u tla fihla nthong eo, 'me u ke ke oa tsoelapele ho fihlela u tlositse ntho eo tseleng, u a bona. U tlameha feela ho behella ka thoko boima bo bong le bo bong le ntho e u tšoasang habonolo.

³⁸ 'Me ha u batla ho kolobetsoa hape, tsoela pele, ke eona ntho e lokelang ho etsoa. Ke kolobelitse ba bangata hape.

³⁹ Empa joale Lengolong leo u lebisang ho lona, taba eo e ne e sa lebisoa mothong ka bomong, e ne e lebisisitsoe ho kereke. Le a bona, kereke, seo ba neng ba se entse, ba ne ba lahlehetsoe ke lerato la bona la pele, le a bona, lebebe la sebele leo ba neng ba e-na le lona tšimolohong. 'Me A re, "Ekare ha u bake 'me ua etsa mesebetsi ena ea pele," ho qala hantle morao le ho fumana ntho eo. O bua le kereke, "Ekare ha ntle u sa bake oa khutla," be, joale, O ne a tla suthisa kandelare.

⁴⁰ Empa ha u batla ho kolobetsoa, 'me u kolobelitsoe u le leshome le metso e meraro, kapa lilemo life feela, khele, u—u kolobetsoe haeba e u etile tseleng.

⁴¹ Empa joale ho e bolela ho ea ka Mangolo nka re u lokela ho kolobetsoa hape, mokhoa o le mong feela oa Mangolo oo nka—nka o phatlalatsang hore batho ba ne ba kolobetsoe hape. Lengolo le le leng feela Bibeleng eohle leo batho ba kileng ba kolobetsoa hape, 'me ke ba kileng ba kolobetsoa ke Johanne Mokolobetsi pele Moea o Halalelang o fihla. Pauluse, ho Liketso 19:5, o ba laetse ba loketse ho kolobetsoa hape ka Lebitso la Jesu Kreste, hore ba tle ba amohela Moea o Halalelang. Le a bona?

⁴² Joale—joale, ha u a tlameha ho kolobetsoa ho amohela Moea o Halalelang, hobane u ka amohela Moea o Halalelang ha pelo ea hau e lokile. Le a bona? Hobane, ho Liketso 2, Petrose o fana ka mokhoa ho—mokhoa ho "Baka, le ho kolobetsoa ka Lebitso la Jesu Kreste, 'me le tla amohela neo ea Moea o Halalelang." Empa joale, ho Liketso 10:49, Molimo oa retoloha le ho nea Balichaba kolobetso ea Moea o Halalelang le pele ba ka kolobetsoa le ka mohla. Ua bona? Ka hona, u a bona, ke maemo a pelo ea hau.

⁴³ Eaba Petrose o re, "Na re ka hanela metsi, ka ho bona bana ba amohetse Moea o Halalelang joaloka rona tšimolohong?" Ua

bona? Ka hona a—a ba qophella ho kolobetsoa ka Lebitso la Jesu Kreste.

⁴⁴ Ka hona Pauluse, ho Liketso 19, o itse . . . Pauluse, hoba a haole mabopo a holimo a Efese, a fihlela barutuoa ba bang, 'me a re ho bona, "Na le amohetse Moea o Halalelang ho tloha le lumetse?"

⁴⁵ Ba re, "Ha re tsebe hoba . . . ha re tsebe hoba Moea o Halalelang o teng."

A re, "Le kolobeletitsoe ho eng?"

Ba ne ba entsoe joalo. Ba re, "Re kolobeletitsoe ho Johanne."

⁴⁶ A re, "Johanne o kolobeletitse pakong, ho bolela ho re 'Le loketse ho lumela ho Ea tlang,' e leng ho Morena Jesu Kreste." Eitseha ha ba utloa sena, ba kolobetsoa hape ka Lebitso la Jesu Kreste. Le a bona? Ka hona hoo . . .

⁴⁷ Joale, tabeng ena, ke . . . Empa ho re feela hore u kolobelitsoe ka kolobetso ea Sekreste lilemong tse leshome le metso e meraro, 'me u phetse bophelo ba Sekreste ho tla joalo, kapa haeba u oelee mohaung makhetlo a 'maloa . . .

⁴⁸ Ha ke tsebe haeba ba fumane . . . mabapi le ho oa mohaung, ka nahana, "Ekare motho a ka ea ho . . . a lokela ho mpotsa seo." Empa holim'a ho oa mohaung, hopolang, u oa mohaung letsatsi ka leng, ha ho mokhoa ho uena ho itokolla ho eona. Ho lokile. Empa u oa mohaung ho batho ba kerek- . . . , empa e seng ka pel'a Molimo. Le a bona? U oa mohaung ho Kreste, empa ha u oe mohaung ho Molimo, ehlile, ha u rata, ha u etsa sebe, ho felile ka uena. Empa u lula u oa mohaung. Pauluse o ne a tlamehe ho shoa letsatsi le leng le leng. Na ho joalo? O ne a lokela ho shoa letsatsi ka leng, ho baka letsatsi ka leng, le ho baka kamehla feela. Le a bona? Me ha Pauluse a ne a loketse ho etsa hoo, le 'na ke tla tlameha, hape. Na ha u joalo? Ke hantle. Kahoo re . . .

⁴⁹ Empa joale, haeba—haeba u lopolotsoe 'me u ikutloa e—e Mali a Jesu Kreste a u hloekisitse sebeng, ka hona ke—ke . . . 'me esale u phetse bophelo ba Bokreste, ha ke—ke hopole ho tla hlokahala. Empa ha u batla, ho lokile, ho tla itokela, re tla thabela ho e etsa.

⁵⁰ Joale noutunyana eo motho a mphileng eona morao mono ke ena:

9. Kereke e tla be e le boemong bofe mohla Evangeli e khutlelang ho Bajuda?

⁵¹ Joale, motho ea entseng sena, mona o ne a lebisa ho Luka, eona . . . O—o mpoleletse, moena oa rona, hore o ne a lebisa moo E itseng, "E—e Balichaba ba tla hatakela marako a Jerusalema ho be ho phethehe nako ea Balichaba." Mono ke ho Luka 21:24. Joale mamelang ka hloko 'me sena se ka e fumana. Potso e ntle! Ho a babatseha!

Etlare ha le bona Jerusalema e thibeletsoe ke makhotla, le tla tseba hoba tšenyeho ea eona e haufi.

⁵² Joale, ha re tšoareng sena haufi-ufi joale. “Tšenyeho e haufi mohla le bonang Jerusalema e thibeletsoe ke mabotho.” Joale, ho bile le pherekano e ngata hantle mono, ka batho ba leng . . . Empa e atamele ho latela pono ea nalane le Bibele.

⁵³ Joale, baena ba Advent, baena ba Seventh-day Advent, ba lumela hore—hore Jerusalema e tla boela e thibelloa ke mabotho. Be, joale, hoo e ka ba ’nete, hoba Lengolo le fupile moelelo o menahaneng.

⁵⁴ ‘Me ba bakae ba tsebang hore Lengolo le fupile moelelo o menahaneng boporofeteng bo bong le bo bong? Ehlide ho joalo! E, monghali. Le ka e bua ’me e e bolele hantle feela nakong *ena*, le ho fetoha hantle le ho e pheta hape morao *mona kae-kae*. Le a bona? Joalo ka . . .’ Me ke tla bua ka le leng la ’ona ha nka le nahana ka potlako. Oh, e, ke lena ho Luka . . . Ho Mattheu 2, e itse, “‘Me Jesu o bitsitsoe Egepetra hore ho tle ho etsahale ho boletsoeng ke moporofeta, ho re, ‘Oa Ka . . . Ke bitsitse mora oa Ka Egepetra.’”

⁵⁵ Joale, boporofeta boo, boo ho lebisoang ho bona morao mono ke moporofeta, bo ne bo bua hantle ka *Iseraele* (eo e neng e le mora oa Molimo) O bitsitsoe Egepetra. Ke hantle, ho—ho Genes, Exoda. Empa le—le ne le lebisitsoe ho—ho mono, empa bo ne bo pheta hape. “Ho oa Hau . . .” *Iseraele* e ne e le mora oa Molimo. Le tseba seo. O boleletse Faro, a re, “U . . .” Ha thoe “Uena—uenia . . .” seo a se entseng ho mora oa Hae, hore O tla tlosa bophelo . . . A hana ho lokolla mora oa Hae, ka hona Faro . . . Molimo ao nka mora oa Faro . . . ’me . . . kapa lengeloi la lefu bosiung boo. Kahoo le moelelo o menahaneng.

⁵⁶ ‘Me joale, joaloka Jerusalema, ha e teetsoe hare ke mabotho, empa, ha e le hantle, ho ea ka histori, e ne e le mehleng eo e ka ba ka A.D. 96 mohla Tite a neng a thibeletse Jerusalema. Empa joale hlokamelang sena ka hloko, u ka bona nthoe fapaneng, kea khlooa Jerusalema e tla boela e thibelloa ke mabotho nakong ea bofelo. Empa ke lumela sena mona se ne se bapisa le mohla Tite a neng a e thibeletse, mohla e neng e etsoa lesupi.

⁵⁷ Joale, “Bofeliso,” ho bua . . . e ne e le mohla Daniele, moporofeta . . . “e eme nqalang e Halalelang.” Hlokamelang, o itse, “E tla re ha le bona manyala a bofeliso a eme nqalang e Halalelang” Le a bona, “manyala,” *manyala* ke “e sa hloekang.” “A etsang bofeliso,” *bofeliso* ke ho “felisa,” ke ho “senya.” “E tla re ha le bona manyala a bofeliso a eme nqalang e Halalelang,” hoo ho phethiloe ho ea ka mangolo mohla Tite a lithellang Jerusalema, a hapa . . .

⁵⁸ Qalang ea khaolo ena moo ba Mo botsitseng, “Nako ea bofelo e tla ba neng? Le lipontšo tsa ho tla . . . ha Kreste?” ’Me ba

'Molella ka tempele, kamoo e neng e le kateng, kamoo e neng e khabisitsoe ka majoe a maholo le lintho.

⁵⁹ A re, "Ho tla fihla mohla ho ke keng ha sala lejoe holim'a le leng, hore sena se tla heletsoa." A qala a ba fa meeka le mehlolo. Ebe, Jesu ha a bua joale, o lebisa ho Daniele joale, ho phethahatsa, hoba boporofeta bohle bo loketse ho nyallana. Lengolo lohle ha le eso robjoe kae kapa kae.

⁶⁰ Jesu o itse, "Mangolo a ke ke a robjoe." Amen. 'Me mono... Na ebe ke ea Leholimong? Ehlide, ke joalo! Mangolo a ke ke a robjoe. Ho lona ba sa lumeleng lipontšong le meeka le mehlolo, le ka sutha joang Lengolong leo? Mangolo a ke ke a robjoe, joaloka ha Kreste (holimo mona ka holimo), a ke ke a felisoa. Joaloka 'mele oa Hae o moholo holimo, 'me motsamao o mong le o mong oa 'mele oa Hae o halimisa motsamao lefatšeng, o tlamehile joalo. Joale haeba Kreste...haeba oa hau...Pholiso e halalelang, matla a Molimo a tlositsoe kerekeng ka seqo, kapa kereke ea moea mona lefatšeng, ha ho le joalo a tlositsoe ho Kreste. Ha A sa hlola...

⁶¹ Empa, oh, ke setšoantšo se se kakang sa Morara oa 'nete mono, 'me rona re makala a Morara oo. Le a bona? Joalokaha sefate sa Morara se nka khato, le ka makala a nka khato joalo. Na ho joalo? Ho hotle hakakang ka 'mele oa Hae o moholo, oh, liphaka tsa Hae tse kholo tse fophang mali le likeleli tse rothang, le mahlakore a Hae a lutlang mali, le mokokotlo oa Hae o metopa o leketlile holim'a lefatše *tjena* lipakeng tsa Molimo (Ntate) le batho busoang ke lefu ba lefatše lena, ho ba rapella le ho ba rata joaloka ha 'mele oa Hae o kena khatong le matleng, a fuoa Kereke.

⁶² Joaloka ha A boletse feela, "Ke tla isa matsoho a ka nqa ena," 'me 'mele oa Hae oa sebele o nka khato. "E-ea mona u bolele Evangelii," u tla bona Kereke eo e tsamaea hantle ka kotloloho. Hobane, seriti sa ka se loketse ho tsamaea 'moho le letsoho la ka. Amen. Na ho joalo? Amen. Oho, khili, ha ke nahanana ka seo! Ke eo, 'Mele oa Hae o a tsamaea, "Eyang ka lefatše lohle, le bontše Matla." Ho sa tsotelehe le haeba re matha ka thutamolimo le lithuto joalo-joalo, re hloleha habohloko. Empa joale letsoho la Molimo le a tsamaea, lipontšo le meeka li a bonahala. Khele, khili!

⁶³ Jesu o boletse, tlase mono mohla A ne a leleka matemona... Ha se ho fapoha potso ena, joale, nakoana feela. Empa Jesu o itse, ha A ne a leleka matemona, O itse, "Bara ba lona ba a leleka ka mang? Ekare ha Ke leleka batemona ka monoana oa Molimo, bara ba lona ba a leleka ka mang? Haeba tšoere leano le fetisang ka molemo, re bontšeng." Le a bona? "Ekare ha 'Na ka monoana ua Molimo...." Amen. Nahanang feela, "monoana" oa Molimo. Molimo ke oo ka holim'a Kreste; Kreste ka holim'a kereke. Molimo ke oo, Ntate, o bolela taba e *itseng-e itseng*; ebe

moo Molimo, Mora, a tsamaisang letsoho la Hae 'me seriti se a le latela. "Ekare ha Ke leleka batemona ka monoana oa Molimo, bara ba lona ba a leleka ka mang?"

⁶⁴ Shebang, ke batla hore le hlokomele. Oh, ho sa tsotolehe boholo ba boloetse kapa mahlomola ao liabolosi a ka a ribehang holim'a hau, e suthisoa ke monoana oa Hae feela. Oh, khili! Khele! Shebang mahetla ao a maholo a matla le liphaka le mesifa. Monoana oa Hae feela o suthisa lefu le leng le le leng le ho leleka mademona. 'Me liabolosi ke nthoana e sa tsebisahaleng hakakang! O mpa a nka monoana oa Hae 'me a mo tlosa. "Ekare ha 'Na ka monoana oa Molimo . . ."

⁶⁵ Joale e reng ke le bontše lerato le itseng la Molimo. Empa mohla nku e lahlehileng, ha O a sebelisa monoana oa Oona, O e jara mahetleng a Hae, 'me Oa sebelisa Boleng bohle ba Oona, liphaka, linku mahetleng a Hae. Karolo e natlafetseng ka ho fetisisa, e matla ka ho fetisisa ea motho e mahetleng le mokokotlong. Le tseba seo. Hoba mesifa eohle ea sephaka sa Hae le mesifa e a thanya, 'me O nka nku eohle; ho Mo bea lehetleng la Hae 'me ke enoa A etla, e seng ka monoana oa Hae, ho leleka lethoana, liabolosi oa khale, empa ke enoa A etla le ba Hae . . . mesifa eohle ea Hae ea moomo oa Hae, mesifa eohle ea sephaka sa Hae, ho parola nahathothe, a jere nku e lahlehileng lehetleng la Hae. Oh, khili! "Ekare ha Ke leleka batemona ka monoana oa Molimo, bara ba lona ba a leleka ka mang?" Oh, alleluia! Khele!

⁶⁶ Ho lokile, ho khutlela sehloohong:

Empa e tle re ha u . . . bona Jerusalema e thibeletsoe ke makhotla, . . .

Mohlang oo ba leng Judea ba balehele ho kena lithabeng; 'me ba leng har'a eona ba se tsoe; 'me a . . . ba leng linaheng ba kene . . . ho kena.

Etsoe ana e tla ba matsatsi a—a tefetso, hore tsohle tse ngoliloeng li etsahale.

Empa ho tla ba malimabe baimana le ba anyesang mehleng eo! hobane ho tla ba le tsietsi e kholo lefatšeng, le khalefo holim'a sona sechaba.

Ba tla oa ka bohale ba lerumo, ba isoe kholehong lichabeng tsohle: . . .

⁶⁷ Hlokamelang botle ba Lengolo mona ho e toba ho e qoholla. Ntho ea pele, "Ka bohale ba lisabole." Ena ea ho qetela e tla ba ka bomo ea athomo. Le a bona? Empa ena ke ka bohale ba sabole, 'me Bajuda ba ne ba tla isoa kholehong lichabeng tsohle. Ha ho sa tla ba joalo le ka mohla, ba tla bokelloa Palestina khetlo la ho qetela. Le a bona? Taba ena e ne e bua ka matsatsi a fetileng. 'Me ke hantle feela ho ea ka nalane, e etsahetse ka tsela eo feela.

⁶⁸ Ba isitsoe lichabeng tsohle. Sechaba se seng le se seng tlas'a Leholimo kajeno, o fumana Bajuda. Oh, sechaba ka seng! U

ea China, u fumana Bajuda. U ea Russia, u fumana Bajuda. Eya lihlekehlekeng tse nyeyane, u fumana Bajuda. Ba hasane har'a 'chaba tsohle! Ke eng? Boprofeta ba Molimo. Molimo o e rerile joalo. 'Me Bajude bao ke mekolokotoana, moena. Ha u ba bona . . .

⁶⁹ Ke a tseba ba foufetse, 'me ba khelositsoe, 'me ba thetsa le tsohle, 'me ba ne ba thetsoe ke Molimo hore 'na le uena re tle re bone. Ke hantle. Empa ke tla bolela sena ka moea oa boporofeta, ka Bibele, hore, hora ea Mojuda ho khutlela hae e atametse. E, monghali. O ile a thatafatsa pelo ea Hitler, ho ba leleka Jeremane; ho thatafatsa pelo ea Mussolini, ho ba leleka Russia. O ba leleka ho tsoa hohle, joaloka ha A entse litsiung tseo mohla A ba ntšitseng. 'Me eitseha ba tsoela lefeelleng mono 'me ba le mathuleng a ho tšeleta mose oane, ha etsahala'ng? Molimo o ne o etetse lefatše ka likotlo tse kholo le lintho. Etsoe O tla e pheta hape ka bahlanka ba Hae ba babeli, mehloare e 'meli ea Ezekiele le ea Tšenolo 11 hape. O tla pheta mehlolo eo le meeka.

⁷⁰ Shebang lipaki tseo tse peli ho Tšenolo 11, "Ke tla nea lipaki tsa Ka matla, 'me li tla koala maholimo matsatsing a boporofeta ba bona, kapa ho romela likotsi lefatšeng kamoo li ratang kateng." Ke lona bao, lipaki tse peli matsatsing a qetelo.

⁷¹ Kea tseba thuto ea kajeno e re "Ke Testamente ea Khale le e Ncha." Hoo ho fosahetse! Hoo ho fosahetse!

⁷² Ha se lipaki tse peli, hoo ke ho khutla ha Moshe le Elia ka botlalo. 'Me le a elella morao koana, ha ho le a mong oa bona . . . Moshe, o shoele, empa o ile kae? O ne a lokela ho tsoha hape. 'Me Elia o ile a fetoleloa ho se lefu. O tla tlameha ho shoa, hoba motho e mong le e mong ea busoang ke lefu o tlamehile, kahoo o tla tlameha ho khutla hape. 'Me lipaki tse peli ke tseo.

⁷³ Joale shebang:

'Me ba tla hatikela . . . 'Me ba tla oa ka bohale ba lerumo, . . . (temana ea 24) . . . ba sabole, 'me bohle ba tla isoa kholehong lichabeng tsohle: 'me Jerusalema o tla hatakeloa ke Balichaba, ho be . . . (Amen!) . . . nako ea Balichaba e phethehe.

⁷⁴ Hoa tšosa, ha ho joalo, ho tseba hobane re na le nako e lekanyelitsoeng? Molimo o itsalo! Mongoaha oa Balichaba o ile oa kenngoa le Morena Nebukadnesare. Oh, ho babatseha hakakang! Nka qeta nako e kae ho sena, metsotso e 'maloa feela! Empa hlokomelang, e mong le mong o batla potso ea bona. Empa, e re re sa le ho ena, ha re e nahaneng, hobane e bohlokoaa haholo joale, hona *joale*.

⁷⁵ Bonang! Molimo o ile a etella pele batho, ba Bajuda. E ne e eso be sechaba le ka mohla, e ne e le batho feela. 'Me ha ba eso be kereke e hlophiloeng le ka mohla, e ne e le kereke e bitsitsoeng. Ho ne ho eso be le mokhatlo har'a Bajuda, kamehla ba ne ba etelloa pele ke Molimo.

⁷⁶ Joale ka nako ho ea ka lipolotiki, sechabeng, ba ne ba batlile ho ba . . . ho ba le morena. 'Me Molimo oa ba nea morena 'me ha e a ka ea sebetsa le ka mohla. Molimo ke Khosi ea bona. Molimo ke Khosi ea rona, ke hantle, 'me Molimo ke Khosi ea Kereke.

⁷⁷ Joale, hlokamelang mohla ba neng ba hapuoa 'me ba isoa Babilona hobane ba lekile ho etsisa lichaba tsa lefatše. Ke setšoantšo se setle hakakang kajeno sa kereke e lekang ho etsisa lefatše koana, 'me ba iole ba tlosoa, ba haptjoa le bophelo ba bona—ba bona. Kereke e phela selelefatše, e tsoela pele, e a le etsisa, le ntho e 'ngoe le e 'ngoe, le ho ipolela e le Kereke. U ke ke oa etsa seo. Che, monghali. Bona bophelo ba hau bo paka seo u leng sona.

⁷⁸ Seo u leng sona . . . Joalokaha ke boletse qalong, seo u leng sona nqa e 'ngoe ke seo u se bonahatsang mona. Seo u leng sona, seo 'mele oa hau oa leholimo kapa oa lefatše o leng sona holimo koana, seo 'mele oa hau oa leholimo o leng sona nqa e 'ngoe ke seo u se bonahatsang morao mona. Lefatšeng la moea, seo u leng sona, ke seo u leng sona mona. Haeba u le kelelo e litšila joalo-joalo naheng ea moea, le mona kelelo ea hau e litšila. Haeba le lonya, mohono, le likhohlano, le naheng ea moea u na le hoo, e halimisa morao mona. Empa ekare ha botho ba hau bo kahare bo hloekile, bo hlatsoitsoe, e u supa u na le 'mele kantle koana (o letileng) o hloekisitsoeng le ho hlatsuoa, 'me o boela o arabela nameng. Na ha u bone? Le a bona, ke eo. "Efela mohla tabernakele ena ea lefatše e qhaqhoang, re na le e seng e re emetse." Le a bona?

⁷⁹ Joale, nakong ena, nakong ea bofelo, kamoo boetsisi bona ba nama, boetsisi ba Bokreste bo tla tsoakana bohole bo fetoh polokoehali e le 'ngoe ea Babilona joaloka ha bo entse morao koana. 'Me ba isoa kholehong Babilona. Na ho joalo? 'Me Bibele e boletse, "Lengeloi la Morena la hoeletsa, la re, 'Tsoang Babilona, lóna batho ba Ka!"

⁸⁰ Pherekano! Sena, "Ke Mobaptise. Ke Momethodise. Ke Mopresbeteriene," seo sohle ke pherekano feela. Ha ho poloko ho eona ho hang.

⁸¹ Joale, u se ntialehe ke re batho ba Baptise ha ba na pholoso, batho ba Methodise. Ha ke bue ka seo. Ke bue ka kereke le matla a eona a lipolotiki, ke lipolotiki. 'Me ha ho buoa ka lipolotiki, kahobane o le Methodise, kapa Baptise, kapa Presbeteriene, kapa Katolike, ha e amane le Eona ka letho. Molimo ha o e hlomphe, 'me e ka har'a Babilona kajeno. 'Me Molimo o bitsa Kereke ho tsoa ho tsona kaofela, ho ntša ba pelo li hloekileng, ho bopa Kereke ea Hae. E ntle hakakang!

⁸² 'Me hlokamelang, nka tlaleha taba mona e ka tšosang, empa haeba—haeba ho le joalo . . . Mamelang, joale. Shebang kamoo Babilona . . . Se etsahetseng koana . . . ho—ho Babilona, mohla khatello e neng e liheloa holim'a barapeli ba 'nete. Hopolang,

ke ba tlalang seatla feela, Shadrake, Meshake, le Abednego, le Daniele, ba—ba barapeli ba ’nete ba ileng ba theohela kholehong, mohla Molimo o ba biletang ho—ho bontša mebala ea bona ruri, seo ba neng ba le sona. Ba ile ba qobelloa ho rapela molimo oa litšoantšo. Na ho joalo? Borapeli ba litšoantšo! Ba ile ba qobelleha ho rapela molingoana, ’me ba lokela ho khumamela molingoana. ’Me haeba ba sa etsa joalo, ba hlorisoa.

⁸³ Oh, ke setšoantšo se joang seo u ka se ntšang ho Daniele, Tšenolo, ho kopanya bao le ho bontša ka Lengolo hore Kereke e kena hlorisong e tšoanang pele E bitsoa. Kereke ea Balichaba e kentsoe ka tsela eo, Kereke ea Balichaba e tla ntšoa ka mokhoa oo. E tla tsoa kamoo e kenang kateng.

⁸⁴ ’Me shebang kamoo a boneng setšoantšo seo. ’Me joale, hopolang, setšoantšo... Joale, sena ke sebaka sa lehae joale. Shebang, ke lumela hore setšoantšo seo Khosi Nebukadnesare a se entseng e ne e le sa Daniele, monna ea halalelang. Haeba le ka hlokomela, Khosi Nebukadnezare o ne a se a reile Daniele, a mo reile “Beltsatsare” (eena e ne e le molingoana oa hae), ’me a etsa—a etsa setšoantšo, ’me ha ho motho e mong hoba Daniele a lahleloe lemeneng la litau, joalo-joalo, ’me a re, “Ho se be motho ea sebeletsang melimo e meng, joalo-joalo, haese Molimo oa Daniele.” Ekaba e ne e le setšoantšo sa monna ea halalelang, seemahale se seholo, ’me e mong le e mong o ne a lokela ho khumamela sena.

⁸⁵ Empa Kereke, Shadrake, le Meshake, le Abednego... Daniele ka ho ba moetapele, joalokaha Kreste e le Moetapele oa Kereke.

⁸⁶ ’Me ba ne ba lokela ho khumamela setšoantšo sena le ho rapela setšoantšo. Hlokamelang! ’Me le a hlokomela, mehleng eo, Daniele o ne a khutsitse. Amen! Oh, ’me ke tšepa hore le fumana sena. Daniele o ne a khutsitse. A ba lesitse... ba ne ba lokela ho iketsetsa khetho.

⁸⁷ Letsatsing... nakong ea ho tsoa ha nako ea Balichaba, ho tla ba le setšoantšo, ’me e mong le e mong o tla lokela ho khumamela setšoantšo sena le ho se rapela. Leha se ka halalela joalo ka mehleng, ha u a lokela ho khumamela setšoantšo (khumamelo ea litšoantšo).

⁸⁸ Joale, hlokamelang. Oh, khili! Qetellong hantle, Daniele o kena hape. Ho babatseha hakaakang! Bosiung boo pele ho mokete o moholo oa lirethe le joalo-joalo, ha hlaha Letsoho le ngolang leboteng, “MENE, MENE, TEKEL, UFARSIN,” bophareng ba lebota. ’Me tlhaloso, ho se motho ea ka e abang, o ne o ngotsoe ka lipuo tse sa tsejoeng. Ho se motho ea ka O hlalosang.

⁸⁹ Ba ea ba lata barutehi ba bona ba khabane. Ba re, “Ha re tsebe.”

⁹⁰ Ba tloha 'me ba lata linohe tsohle tsa bona le baupelli ba linaleli. "Ha re tsebe. Ha re tsebe letho ka Eona. Ha re eso bone puo e joalo, ha re eso utloe tse joalo bophelong ba rona."

⁹¹ Empa monna o ne a le teng! Molimo o ne o e-na le monna oa Oona, Daniele o ne a le teng. Ho re, "Eang le mo late," ho re, "hobane Moea oa Molimo o lutse ho eena."

⁹² Ka hona Daniele a nyolohela mono, a qala a bala a toloka puo eo leboteng, 'me a nehela... Koahollo e ne e le efe? E seng, "Oh, khosi, ho bokoe uena, u phele kamehla." Empa ka khano, e bohale, e bataletseng, ho re, "U beiloe sekaleng 'me oa fumanoa u le chatsi."

⁹³ Shebang, ho a tšoana. Kamoo tse holim'a Tlholeho li kentsoeng 'musong oa Balichaba, le joalo tse ka holim'a Tlholeho li ntša ho ona oa Balichaba. 'Muso o kentsoe ka tse holima ba Tlholeho, o tsoa ka tse holim'a Tlholeho. Marako a Jerusalema a tla hatakeloa, a tla... a ne a tla... "Balichaba ba tla a rua ho fihlela nako ea Balichaba e fela." Molimo o ntano sokolohela ho Mojuda. Amen! Oh, khili!

⁹⁴ Oh, metsoalle, eka re ka tebisa taba eo hantle. Ha ho joalo? Ho fumana veke tabeng e le 'ngoe eo, le a bona, re tle re e batlisise ka botlalo Lengolong.

⁹⁵ Seo, hlokamelang, mamelang—mamelang ka hloko joale seo A se buileng. "Jerusalema e tla hatakeloa ke Balichaba ho fihlela nako ea Balichaba e fela." Thibello ea—ea Titase, e ntano kena, ba hapuoa Jerusalema. A re, "Joale—joale, le utloile ka manyala a bofeliso?"

"Ee."

"Be, ke mohla Balichaba ba kenang."

"Ee, re utloisia seo," ho rialo barutuoa.

"Joale, Balichaba esale ba theile 'muso oa bona joale."

"Ehlile."

⁹⁶ "Jerusalema tlas'a puso ea Balichaba joale?" E, monghali! Baroma. Ba ne ba ntse ba theile 'muso ka hare—ka hare ho Jerusalema. 'Me o qalile morao koana ka manyala a bofeliso ao Daniele a buileng ka ona.

⁹⁷ Joale O itse, "Nako eo e atametse, hobane ba tla heletsa tempele ena, ba hlome Moslem oa Omar, o tla ema nqalong eona eo mona, Mohammedans, Balichaba. 'Me o tla ema mono."

⁹⁸ *Molichaba* o bolela "ea sa lumeleng." Eo e ne e se Kereke, joale. E ne e le Molichaba eo, le a bona, mosalumele. Joale, 'me hoo ho tla ema ho fihlela lekhathe la Balichaba le felile. Etlare ha nako ea Balichaba e phethehile, Khosana e kholo e lokela ho emela batho (Eona e leng Kreste) nakong ea ho qetela.

⁹⁹ "O tlie ho Eena," ho Daniele, "Eo moriri oa Hae o neng o le mosoeu joaloka boea," joaloka ha re 'Mone ho Tšenolo 1,

“ho Moholo oa matsatsi. ’Me Kahlolo ea lula ’me Libuka tsa phetloa. Libuka” (bongata) “tsa phetloa, ’me e mong le e mong a ahloloa ka tse tsoang Libukeng, ’me lintho li ne li ngotsoe teng.” Shebang, Libuka tsa phetloa, “A ’Mmona a etla, ’me likete tse leshome atisa ka likete tse leshome tsa Mo sebeletsa.” Bahalaleli ba tla le Eena. Na ho joalo, ho Daniele? “Me Libuka tsa phetloa,” eo ke Buka ea lona ea bophelo, “e mong le e mong—’me e mong le e mong a ahloloa joalo, moetsalibe, a ahloloa joalo. ’Me ha phetloa Buka e ’ngoe,” eona e ne e le Buka ea Bophelo, “’me e mong le e mong a ahloloa.”

¹⁰⁰ Joale hlokamelang, hopolang kamehla, e tšoere boraro boo. Haeba u sa etse joalo, u tla lubakana ruri. Ho tsoetsoe lihlopha tse tharo tsa batho lefatšeng; lihlopha li ne li tharo tšimolohong; ho tla ba le lihlopha tse tharo qetellong. Eng . . .

¹⁰¹ Jesu o khutlide le likete tse leshome atisa ka likete tse leshome, tse Mo sebeletsang. Le Mo a re, “Na hase ntho e nyenyane ho lona ho isa . . . kapa ha le soabe ho isa litseko tsa lona le mathata a lona lekholteng, athe lea tseba hore Bahalaleli ba tla ahlola lefatše?” Bahalaleli ba ahlola lefatše! Allelu! Nahanang ka seo, khili! Ho Mmona a etla, koana, le ba hlatsoitsoeng ka Mali, ka morao ho Mileniamo, topollo le balopolloa ba mongoaha eohle ba eme ka pel’ a Sefahleho sa Hae. Monyalua ea hlatsoitsoeng ka Mali!

¹⁰² Eseng feela bao e leng batho ba lokileng, ruri ba fosoa ke tsoho ea pele. Bibele e boletse, “Me bafu ba bang bohle ha ba ka ba phela, lilemo tseo tse sekete li eso ho phethehe.” Na ho joalo? Ke bao mabitso a bona a ngotsoeng Bukeng ea Bophelo ea Konyana ba mpa ba hanne kolobetso ea Moea o Halalelang.

¹⁰³ Ke Bakhethoa feela ba kenang nakong eo. Ke Bakhethoa feela ba nkang e-e—Mileniamo. Oh, ka hona, moena, re lokela ho ba batho ba mofuta ofe? Ke batla ho phela Milleniamong! A re lahleng boima bo bong le bo bong le sebe se re tšoasang ha bonolo. Ha thaka leo le bua ntho e phoso kapa ho etsa ntho ka tsela *ena*, mo rapelle ’me le tsoelle pele. Etsa morero oa hau o le mong nqa Molimo. Haeba ho se motho ea e etsang, u e etse! Hoba ho tla ba le Mokhethoa ea tla phela Mongoaheng oa Mileniamo ’me ba tla kena le ho tsoa le Kreste ka lilemo tse sekete, ’me ba tla nyolohela Khanyeng le Eena ’me ba khutle hape. Mohla tsoho ea bakhopo e hlahisoang, ke moo Mileniamo o tla kena . . . Kamora hoba Milleniamo e fete, ke moo Kreste a tla nyoloha le Kereke, ’me qetellong ea lilemo tse sekete O tla khutla le Kereke.

¹⁰⁴ Kreste o tla hararo. Khetlo la pele, O tlie ho *lopolla* Kereke ea Hae. Na ho joalo? Khetlo la bobeli, O tla ho *amohela* Kereke ea Hae. Khetlo la boraro, O tla le Kereke ea Hae. Le a bona? O tlie ho Mo *lopolla*; O tla ho Mo *hloibila* le ho nkuoa, ka nakong ea likotlo joalo-joalo; ho khutla hape bakeng sa Mileniamo, e phela khabareng ea Mileniamo.

¹⁰⁵ 'Me Khosi e kholo le Mofumahali ba theohela Kahlolo. Kahlolo ea Terone e Tšoeu e lutse 'me Libuka tsa phetloa. 'Me balopolloa ke bao ba eme mono, Kereke e tsoetsoeng ka Moea o Halalelang ea Molimo o Phelang, e eme mono ka botle ba Hae ho ahlola. "Libuka tsa phetloa, kahlolo ea lula 'me motho e mong le e mong a ahloloa joalo," eo e ne e le moetsalibe. "'Me Buka e 'ngoe ea phetloa," e seng bakeng sa Monyaluoaa Moea o Halalelang, a ke ke a feta ho eona hoba O Hloibilong.

¹⁰⁶ Haeba u tlatsitsoe ka Moea o Halalelang hoseng hona, 'me matla a Molimo a tsamaea ka hara mosifa o mong le o mong oa 'mele oa hau, hlokahalo ea hau ho emela Kahlolo ke efe? U se u ahlotssoe, 'me u amohetsoe, 'me u tlatsitsoe, le hona—u se u fetotsoe libakeng tsa Leholido le Kreste Jesu. Hase u *tla*, u joalo joale, u fetotsoe hona joale!

¹⁰⁷ "Bao A ba bitsitseng, O ba lokafalitse; bao A ba lokafalitseng, O ba tlotlisitse." 'Me motho e mong le e mong ea lopolotsoeng lefatšeng hoseng hona, ea leng tlas'a Mali a Jesu Kreste, a tletse ka Moea o Halalelang, o *ruile* Bophelo ba kamehla, 'me a ke ke a timela, 'me o se a le libakeng tsa Leholido le Kreste Jesu, 'me a ke ke a kena kahlolong le ka mohla. O se a lopolotsoe! Na hoo ha ho babatsehe? Le a bona? O se a lopolotsoe, a lutse libakeng tsa Leholido joale le Kreste, le khanya—... o se a tlotlisitsoe, o se a tlotlisitsoe!

¹⁰⁸ U re, "Moena Bill, na Lengolo le rialo?"

¹⁰⁹ Jesu o boletse seo, kapa Lengolo le rialo, kapa bangoli. Pauluse, o itse, "Bao A ba behileng ba lokileng, O bile o ba tlotlisitse. Bao A ba khethileng pele, O ba rerile pele; bao A ba reretseng pele, O ba behile ba lokileng; bao A ba lokafalitseng, O se a ba tlotlisitse." Ke eng? Oh, khili! (Ntšoareleng.) O se a tlotlisitsoe! Joale haeba re tlatsitsoe ka Moea o Halalelang, mesifa ea rona le botho ba rona e se e babaletsoe ho Molimo, 'mele o tlotlisitsoeng o se o letile, 'me u tlameha ho ea ho 'ona hang ha sena se felile. Bao A ba lokafalitseng, O se a ba tlotlisitse!

¹¹⁰ Seo ke neng ke se bua nakoana e fetileng, neketifi le posetifi. Ekare nka be ke rutehile ho lekaneng ho hlakisa taba eo, empa ha ke khone feela. Ke tseba seo ke buang ka sona, empa ha ke khone ho se hlahisa kamoo ke batlang ho se hlahisa.

¹¹¹ [Sekheo lebanteng—Mohl.]... Leoatle le Lefubelu le lintho tsena tsohle ba li ntšang. Thepa e teng ka mono, Bajuda, e enneng ruri, ntho eona eo e tla silafatsa liahelo tsa bona hape. Ee! Ba tla theoha hantle, metse ea lefatše. Russia e tla theoha, e re, "Re tlameha feela ho fumana lintho tseo. Ke uraniumo le ntho e 'ngoe le e 'ngoe tlase mono, re tlameha ho ea e nka." 'Me ha ba ntse ba theoha, joale ho tla hlaha ntoa ea Armageddone. Ke mohla Molimo o tla ema joaloka ha O entse khohlong bakeng sa bana ba Israele le ho a loana hape. Empa hoo ho tla etsahala ho be

ho phethehe lekhathe la Balichaba. 'Me nako eo ha e phethehile, o a khaoloa.

¹¹² [Sekheo lebanteng—Mohl.] Joale ho ea ka maikutlo a ka a ikokobelitseng, motho ea ratehang ea botsitseng potso ena mona, ho latela maikutlo a ka a ikokobelitseng ka sena:

10. Linatla tsee e ne e le bo-mang mehleng eo?

¹¹³ Joale, Josephus mono... Ehlide, ke a tseba, kereke ea rona, le itšoanelia le 'na. 'Na—'na ke sethoto sa garata ea bosupa 'me ke—ha ke tsotelle thuto le lintho. Ke ke e hopola e le tšitiso e kholohali ka ho fetisisa eo Evangelie kileng ea ba le eona. Empa koana, ka linako tse ling, ke nka buka kapa tse peli. Joale, litšebelisano le batho ba joaloka 'na, bohole re tseleng e le 'ngoe, re batho feela ba tloaelehileng. 'Me ke leboha haholo. Bibele e boletse, "Batho ba tlase ba Mo utloile ka thabo." Bahlomphehi, ho ntoo ba le sehlopha se seng, empa e le batho ba tlaase... Batho ba tloaelo feela ba joalo ka rona, batho ba ratang Molimo 'me ba sa rua lintho tsa lefatše lena hakaalo, ba e-na le bana le malapa a bona, re rata Molimo 'me re rata ho ea kerekeng, ho nehela—liaparo tsa 'mele oa rona bakeng sa 'Muso oa Hae, ntho efe feela e kang eo. Re a Mo rata, re tla etsa eng kapa eng, ke batho ba tlaase ba Mo utloileng. 'Me ho sa le joalo le kajeno, batho ba tloaelehileng ba Mo utloile ka thabo.

¹¹⁴ Joale, morui o nahana haholo ka lefatše, le a bona. 'Me—'me thaka la makhonthe tlase mono leo o ke keng oa etsa letho ka lona, le holim'a thellisane, feela ha a Le ele hloko. Empa ke batho ba tloaelehileng feela ba Mo utloileng ka thabo.

¹¹⁵ 'Me joale ho Josephus, lingoloa tsa hae, o boletse... Joale, tlhaloso ea hae ea bana "bara ba Molimo" ba nkileng barali ba motho. O itse "Meea e oeleng e neng e le lefatšeng..."

¹¹⁶ Joale, u a tseba... ho Tšenolo, khaolo ea 11, kapa, ea 7, che, ke kopa... Khaolo ea 12 ea Tšenolo, mosali ea emeng letsatsing. "Drakone e khubelu ea hula karolo ea peli-tharong ea linaleli ka mohatla oa eona 'me ea li hulela lefatšeng." Re a eelolloa hore Satane, tšimolohong, o ile a hloma 'muso naheng ea leboea hore e be ntle ho feta eo—ho feta kamoo Mikaele a neng a le kateng, 'me ho le... eaba o phatlalatsa ntoa Leholidong. 'Me a hula 'moho le eena karolo ea peli-tharong ea libopua tsa mangelo. Na ho joalo?

¹¹⁷ Ke ka lebaka leo re leng palo e seng kaalo feela. Ke bolela e—e—e lehlakore... lehlakore le lenyenyanie la batho hoseng hona, selikeng sa Bokreste, batho ba tsoetsoeng ke Moea o Halalelang, hobane ba e—e—e har'a palo e nyenyane. Ke hantle.

¹¹⁸ 'Me ha u ka hlokomela meeaa e nyolohang e tsoa ho Genese 'me e qala e nyoloha, shebang borapeli boo ba 'nete ba maemo, ba maemo ba kereke. Bo shebeng morao koana ka ho Kaine, bo shebeng kajeno. Ho kena hantle feela, ho theohela ho Bafarisi. 'Me ho na le lihlopha tse peli tsa bona, Bafarisi le Basadusi.

Le a bona, ho tsoela pele hantle, 'me e shebeng kajeno ka ho Bokatolike le metsamao e meholo e kang eo, libaka tse ntle tse kholo.

¹¹⁹ Be, shebang Abele ka konyana, le a bona, e paala feela. E shebeng matsatsing a Jesu. E shebeng ho theosa hohle Lengolong ha le ntse le e nyolla, ho bona kamoo e leng kateng. Re phela hantle ho tlase letsatsing leo mohla Molimo a bitsitseng Kereke ea Hae ho tsela eohle ho theosa joalo. Motakanyana oo, mola o mokhubetsoana oo o theohileng hantle ho haola le Bibebe, tsela eohle, ea batho ba hlatsoitsoeng ka Mali. Hlokamelang!

¹²⁰ Joale, bana “bara ba Molimo,” ho ea ka maikutlo a ka, ha se, ruri ha se ho se lumellane kapa ho leka ho etsa ka bohlale kapa ho bolela Josephus a ne a sa tsebe seo a buang ka sona, empa e ne e le motho joaloka ‘na. Ho sa tsotolehe e ne e le morutehi ha kae, e ne e le monna feela. ‘Me ntho feela a neng a na le eona, a batlisisa mangolo a khale, joalo-joalo, le thepa ea khale, le joalo-joalo, a mpa a se na se fetang seo re nang le sona kajeno, Moea o Halalelang. Joale, o ne a tsamaea feela ka kelello ea tlhaho.

¹²¹ Empa re e nka ka kelello ea moea. Bao “bara ba Molimo,” athe, e ne e le libopuo a tsa mangelo. Kea kholoa ba joalo. ‘Me ke—ke lumela hore . . .

¹²² Joale, Josephus o boletse ntho eona eo, empa o itse, “Ba iqobella ba iqophella nameng ea motho, le ho inkela bara . . . le—le ho nka barali ba motho.” Joale, re letšoelie le kopaneng; re fapane mona hoseng hona, banna, basali, le banana le bashanyana, ‘me ke e bua hore batho ba baholo ba tle ba utloisise. Empa eitse ha . . . O re “Eitse ha mangelo a bona takatso ea basali, kamoo monna a phetseng le basali kateng, hore ba ile ba iqobella nameng ea motho. Kahoo . . . ‘me ba inkela barali ba motho.”

¹²³ Ho lokile, ke—ha ke lumele seo. Ke lumela sena, hore ba hlahetse Kanana, ‘me ba tsoetsoe ho tsoa ho—ho sehlopha sa Kaine sa romeloa naheng ea Node. ‘Me o ne a beiloe letšoao holim’ a hae ho se be le motho ea tla ‘molaea, ka lebaka la boemo ba hae ba polao, o bolaile ngoanabo. Empa haeba, le a eelloa, esita le Baiseraele ba fumane ba bang ba batho bao mohla ba ileng koo. Ba ne ba le baholo hakana, ‘me a re, “Re joaloka mehloenyane, pontšeng ea bona.” Na ho joalo? Makholo le makholo a lilemo hamorao, ho ne ho le banna ba baholo, ba litonanahali, mathaka a maholo. ‘Me ka linako tse ling ba cheka e—e setopo sa bona, ‘me ba fumane hore e ne e le banna ba baholo.

¹²⁴ Joale moo ke nahananang hore seo se tsoa teng. Joale, thutonyana ea ka ke ena joale. Ke batho ba kereke feela, le a bona. Ke nahana hore Kaine e ne e le mora oa Satane. Ke a tseba ha le lumellane le seo, kereke ea ka e etsa joalo. Empa leha ho le joalo . . . Ho fihlela Molimo a mpontša se fapaneng, ke—ke tla

lumela ntho eona eo, le a bona, hore e ne e le mora oa Satane. Hobane ke ne ke sa khone ho beha moea oo oa bokhopo, oa polao o tsoa ho Molimo. Che, monghali. O ne a lokela ho futsa ntatae, 'me ntatae e ne e le sena...mona, mohla Satane a lula holim'a noha.

¹²⁵ 'Me noha e ne e se sehababi, thohako e mo entse sehababi. O ne a tšoana le motho, a tsamaea a tsepame. 'Me o phetse le mosali enoa kantle mono, 'me a etsa bohlola bona 'me a tsoala mora oa hae oa letsibolo Kaine, semelo sa ntatae. 'Me ke lumela hore sebata seo se seholo se ne se tsepame joaloka motho, 'me se ne se tsamaea tsepame, 'me ke hona moo linatlahali tsena li tsoang teng. E-ea, ho joalo. Joale, oo ke mohopolo oa ka 'me nka—nka tsoa ke fositse. Ke mohopolo oa ka oo, le a bona. Empa e ne e le banna ba baholo.

¹²⁶ 'Me ha le ka elelloa, Molimo o ne o eme mono ka pel'a Adama le Eva, O re, "Ke u ntšitse leröleng, u tla khutlela leröleng. Ke..."

¹²⁷ "'Me kahobane u tlisitse ea hau...u mametse oa hau... sebata bakeng sa monna oa hau, u tlositse bophelo lefatšeng, u tla bo khutlisetsa lefatšeng."

¹²⁸ 'Me A re, "Noha, maoto a hau a tlosoa, le a bona, ha u sa tla tsamaea u tsepame. 'Me u sa tla ba sebata, u tla ba sehababi joale. 'Me u tla hahaba ka mpa ea hau, 'me lerole e tla ba lijo tsa hau."

¹²⁹ Ke hona moo ke nahangan hore bao...Kaine, u futsitse tlhaho ea sekoeta seo se phetseng le...joalo ka phoofolo, se phetseng le mosali enoa ea tsoetseng ngoana enoa, eena e le halofo-sekoeta, a tšoana le monna, lethakahali le leholo la khale. 'Me eaba o tsoela mono 'me bana ba hae ba qala ba tsoa ho eena, le hona libata, litakatso tsa bong joaloka ntata tsona qalong, sebata seo sa khale se litakatso sa fihlela barali bana le lintho, le ho inkela barali ba motho. Ke hantle.

¹³⁰ 'Me se hlahisitseng mathaka ana, ehlile, e theohile ka lesika lona leo e neng e le meeaa ena e oeleng e lutseng holim'a batho. Hopolang, eona meeaa e phetseng morao koana, kajeno... e phela kajeno.

¹³¹ E shebeng kajeno! Be, re fumana batho naheng ena ba... Joale, ha ke...Sena, ke Moamerika, lea ntseba ke eena. Empa e re ke u joetse, ena ke naaha e tlase ka ho fetisia kantle ho Paris, Fora, eo ke e tsebang kae kapa kae lefatšeng. E senyehile hakana!

¹³² Khele, esita le batho ba tsoang linaheng tse ling, Afrika, e—e naheng ea Sweden le...holimo moo, ba re, "Molato ke ofe ka lona batho ba Amerika, na lona bohole ha le sa hlonepha basali ba lona? Hoba lipina tsohle tsa seea-le-moea, ke pina ea mofuta e litšila, e manyala e buang ka basali. Na ha le na tlhompho ho basali ba lona mono?"

¹³³ Lipina tsohle tsa rona li bua ka basali, kapa ketso ea bong le takatso, le lintho tse joalo. Ke kahobane liabolosi o se tšoere. Ke hantle feela. Hollywood ea khale le lithelevishene le ntho e 'ngoe le e 'ngoe e hotolla lintho tse litšila le tse sa hlompheheng, ou ka ea mavenkeleng a khale a litaba le lintho tse ling tsohle. Ntho e 'ngoe le e 'ngoe ke basali itseng ba hlobotseng kapa ho hong. Ke hantle feela seo e se qalileng tšimolohong, 'me e qetella ka eona tsela eo. Ke lihlong!

¹³⁴ 'Me mokoktolo oa sechaba sefe kapa sefe ke bosali, ha ho tluoa boitšoarong. 'Me u robile bommè, u robile sechaba sa heno. Re fihlile moo kajeno basali ba rona... ho tsuba lisakerete, le lintho tse joalo, le ho noa whisky, le ho tsoelapele, 'me ke e—ke mahlabisang lihlong!

¹³⁵ Mohlankana ea lekang ho fumana mosali eo e leng moroetsana, ea nang le boitšoaro, o ne a tla lokela ho ea kerekananeng e itseng, e lokileng, ea khale, ea Moea o Halalelang, mohlomong, ho fumana e mong; 'me ke hantle feela, moo monna a batlang mo bolokile teng le lintho tse joalo, 'me a batla a itlhompha.

¹³⁶ U ka nahana boo e le bohlanya, empa, moena, e shebe u fumane, 'me u bone haeba e se 'Nete. Ke mahlabisang lihlong! Ho lokile.

Bao e ne e le bara ba Molimo e leng... Joale, hoo, nka hhalosa ea ka... Holima—holima ke tseba hore haeba...

¹³⁷ Ke fumane potso e 'ngoe kajeno, ba re, "Khele, Moena Bill, Bibele e boletse Eva a itse, 'Ke fumane mora ho Morena.'" Ke hantle-ntle. E ne e tlamehile ho tsoa ho Morena. Morena ke 'Mopi a le esi feela ea leng teng. Eena... Molimo o bopile liabolose. Taba eo e joang? Molimo o bopile liabolose. Molimo o bōpile lengeloi le leng le leng le oēleng le leng teng. Na ho joalo? Khele, ruri. Eo ebile khetho ea 'ona, eseng ea Hae. O u bopile, u etsang ka eona? U tla ahloloa joalo ka 'ona. Ke moo. Ka sebele!

¹³⁸ Bana e ne e le bara ba Molimo, empa ba ne ba oele mohaung 'me ba ne ba kene ka har'a batho bana ba libata, 'me ba matha ba etsoa 'me ba lakatsa. Ha ba ne ba bona basali, ba mpa ba ba fumana. Khele, ba sa ntse ba le teng. Boitšoaro bo bobo ba Amerika bo tletse... Monna ea se nang Moea oa Molimo, a ka rutla lesea matsohong a 'mè 'me a le hlekefetsa. Kantle ho Molimo, eena ha se—ha a fetise le phoofolo. O sa ntse a e-na le sebata seo, tlhaho e hlokang borapeli. Le monna ea nang le... Ba re bolumeli bo a u nka, ba re banna ba hlantšoa ke bolumeli. Bolumeli ke eona feela ntho e ka fang motho kelello ea hae e pholileng, ke hore, borapeli ba Jesu Kreste.

¹³⁹ Nka paka ka Bibele hore ha u kelellong ea hau e hlaphohetsoeng fihlela u fumane Kreste. Ke hantle. Taba eo e matla haholo, empa nka tiisa seo ka Lengolo. Ke hantle. U fetoha

sebata, se litakatso, le ntho eohle, ho fihlela u fumane Kreste Jesu. Ke Eena Moratua.

¹⁴⁰ Joale, ke tla lumela hore batho ba bala haholo, 'me ba leke ho ea pele haholo, 'me ba leke ho nahana ka thata, 'me ka linako tse ling ba ferekana kelello le lintho ka lebaka la ho ithuta ka Morena. U tlameha ho tela seo! Ha u a tlameha ho etsa hoo. Ntho feela eo u lokelang ho e etsa ke ho ratana le Eena, le ho tsoela pele ho Mo rata. Amen. Ha se ho itšotetsa nthong kapa ho iketsa seo u seng sona, tsoela pele feela le ho lumella Molimo ho u sabelisa ka tsela eo A e batlang. Inehele feela, ikemisetse 'me u tsamaee, u thabile, u bina, u nyakalla. Ke eona tsela.

¹⁴¹ Bibele e boletse, "Lintho tsohle li sebetsa hammoho molemong oa ba O ratang," kahoo etsa bonnête hore u a Mo rata, u tlameha ho tseba hoo feela. Amen! Mo rate feela le ho tsoela pele! E re, "Morena, ke a U rata, U a tseba hore ke a U rata."

"U rata *see*?"

"Che, Monghali. Ke a U rata, Morena." Le a bona?

¹⁴² E re, "Be, na ha u batle ho ba... Na ha u rate ho ba moreri e moholo? Na ha u rate ho ba *sena*?"

¹⁴³ "Che. Joale, Morena, ke eng... Haeba U mpatla joalo, ke tla etsa. Haeba U sa etse joalo, Amen. Ke tla ba hantle mona, ke le moseme oa feela oa monyako kerekeng ena."

¹⁴⁴ "Joale, ke lumela haeba u etsa ntho e kang *ena*, batho ba tla nkela kereke ea hau hloohong haholo."

¹⁴⁵ "Ha ke tsotelle seo batho ba se nahananang, ke batla ho tseba seo U se nahananang, Morena. Ke—ke tla lula hantle feela le Uena, seo U mpolellang ho se etsa. Ke ba rata kaofela, ehlile."

"Be, joale, u tseba Khaitseli *Sekete-kete*, ha u mo rate."

"E, ke etsa joalo, Morena. E, ke hlile ke etsa joalo. Kea mo rata."

"Hobaneng?"

¹⁴⁶ "Hobane U a mo rata, 'me U ka ho 'na. 'Me ke loketse ho mo rata, hoba ke Uena ka ho 'na ea mo ratang ho tsoa ho 'na." Whew! Seo se tla e fumana.

¹⁴⁷ Empa ke nahana hore e ne e le libata tseo tse ileng tsa oela ka mono, ke sebata sa litakatso se ileng sa oa, le a bona.

11. Na "bara ba Molimo" ba bolela Mangeloi kapa meea e tsoang Leholidmong?

¹⁴⁸ Eo e ne e le potso ea motho eo. Ho lokile. Ke lumela hore e ne e se Mangeloi. Le a bona, e ne e le libopuo, "bara ba Molimo," joaloka ha Lengolo le bolela. Eseng mangeloi, e ne e le bara ba Molimo. 'Me ba tsoa Leholidmong ho tla lefatšeng, 'me ba kena nameng; eseng "ba itšohlometsa nameng," Ke lumela hore nama eohle e tsoetsoe ka ketso ea bong kantle ho Jesu Kreste. Ke lumela hore ke Eena feela Boleng bo kileng ba ba

teng bo tsoetsoeng ke moroetsana, Jesu Kreste. 'Me ke—ha ke lumellane le Josephus tabeng eo, holim'a e le ranalane e moholo eo. Empa ke lumela hore e ne e le libopua tse ka holima hloleho tse theohileng 'me tsa hapa moea oa motho. 'Me ke lumela ba sa le teng mona le kajeno, ba ntse ba likoloha Jeffersonville kajeno, eona meea eo ea sebata, ka takatso e tlokomang, ea bokhopo, e phela hantle ka hara batho. Joale, ka letsatsi le leng banna bana ba tla shoa; 'me haeba moloko o mong o le teng, e tla theohela holima bona.

¹⁴⁹ Hopolang, Molimo o nka motho oa Oona empa e seng Moea oa Hae, ona ke 'ona Moea o Halalelang oo ba o amohetseng ka Pentekosta.

¹⁵⁰ Ke liabolosi ea tšoanang (ka libopeho tsa bolumeli) ea hlorisitseng Kreste, ke eena liabolosi ea leng ka hare ho kereke kajeno, ea apereng liaparo tse telele. 'Me ha baa tlameha ho apara... Ha ke bolele kobo e holim'a 'mele ea bona, ke bolela seaparo holim'a moea oa hau. Bona, "Khele, matsatsi a mehlolo a fetile, ha ho ntho e joalo." U bua ka Bafarisi ba kajeno! Hantle feela.

¹⁵¹ "Ho ba le..." Bibebe e re, "Ba tla ba le sebopeho sa borapeli, empa ba latola Matla. Ba joalo u ba furall, e sirohe. Suthela hole feela, tsamaela hole." E ntse e le bona bara bao ba Molimo, empa ba maemong a oe leng. Le bona seo ke se bolelang? Ba bang ke bareri, ba bang ke baliakone, ba bang ke baholo, ba bang ba bona ke babishopo, ba lokileng kamoo ba ka bang kateng! Empa Bibebe...

¹⁵² Joale, ke tlil'o araba potso, moena, eo u mpotsitseng nakoana e fetileng. Motho e mong o itse:

12. Moena Branham, ke batla ho tseba sebaka seo nka itlamellang ho sona 'me ke re "Monna enoa o na le Moea o Halalelang hobane o entse 'sena,'" kapa "Mosali enoa o na le Moea o Halalelang hobane o entse 'sane."

¹⁵³ Ha ho mokhoa lefatšeng u ka e tsebang. Ke hantle. Ha ho mokhoa lefatšeng oo u ka e tsebang. Molimo ke Moahloli, roha ha rea lokela ho ahlola. Le a bona? Ke ho rera Evangelie feela, phela...

¹⁵⁴ Thaka le leng le tlie ho 'na mona nakoana e fetileng, ke ne ke rera ka seo ke se buileng bosius bo bong. A tla ntlung ea ka 'me a re, "Moena Branham, moena, ke batla—ke batla—ke ne ke batla ho ba... Ke batla ho tlosa libe tsa ka. Ke batla ho ba Mokreste." A lula mathuleng a ka.

¹⁵⁵ A re, "Ke utloile ka monna e moholo, monna ea tsebahalang machabeng ea bitsoang Billy Graham." A re, "Ke etetse liboka tsa hae 'me—'me—'me a re, 'Bohle ba batlang ho ba Mokreste, phahamisa letsoho la hau 'me u amohele Kreste e le Mopholosi oa hau.' Kahoo ka phahamisa letsoho la ka. A re, 'Joale, bohle emang, re tla etsa thapelo.' Kahoo ka lula 'me ka rapela feela..."

(ntšoareleng) “ka botšepehi bo khonehang.” A re, “’Me, empa seo ha se a nthusa ka letho.”

¹⁵⁶ A re, “Eaba ke theohela ho—kopianong ea Oral Roberts.” A re, “Ka utloela ka eena, ’me ka utloa hore bohole ba nyakaletse hakana.” A re, “Ka theohela ho Oral Roberts ’me ka ’motsa, ‘Ke lokela ho etsa’ng ho ba Mokreste?’” A re, ‘U khutlele ka mono . . .’ Ka ’molella ke ile ka phahamisa letsoho la ka ha Billy Graham. A re, ‘U lule ka phaposing eo ea lipotso ho fihlela u thabile hoo u ka buang ka lipuo.” A re, “Ka kena mono ’me ka rapela ho fihlela ke bua ka lipuo.” Ho re, “Ke ile ka tsoa, ha ea ka ea nthusa letho.”

¹⁵⁷ A re, “’Me eaba ke ea kopanong e ’ngoe ’me ba mpolella hore ha ke eso ho halaletsoe, ho boletse ke ‘Ke ho tlameha ho halaletsoa le ho thaba le ho hoeletsa, fumana thabo e lekaneng.’ Kahoo ka rapela le ho rapela ho fihlela ke—ke hoeelitse.” A re, “Leha ho le joalo . . .”

¹⁵⁸ Ka re, “Moena, e ’ngoe le e ’ngoe ea lintho tseo e nepahetse, e ’ngoe le e ’ngoe ea tsona e lokile. Ho phahamisa letsoho la hau, ho bua ka lipuo, ho hoeletsa, ke lumela karolo e ’ngoe le e ’ngoe ea eona, empa leha ho le joalo ha se eona taba eo. Le a bona, ke ho amohela Motho eo, Kreste Jesu.” Le a bona? Le a bona, ha se . . .

¹⁵⁹ Lintho tsena ke litšoaneleho. Ho hoeletsa, ho bua ka lipuo, ho matha, ho hoeletsa, ho lla, ho rapela, eng kapa eng, ke litšoaneleho tse latelang feela. Ntho ea pele ke ho amohela Motho eo, Kreste Jesu. Le a bona? Kahoo ha ho—ha ho bopaki boo re ka bo bolelang. Kahobane monna o lla? Ke bone motho a lla a lla, ’me a lla se mothamo, ’me le joale moetsalibe oa mototnana kamoo a ka bang kateng.

¹⁶⁰ Mamelang, Jesu o re tšoantša le linku. Na ho joalo? Molisa o tseba linku tsa hae. Motho ka mona o kile a utloa pōli ha e lla? Be, moena, u mpe u be molisa ha u batla ho tseba phapang. Poli e tla lla hantle feela joaloka nku. Uh-huh. E re pōltsanyane e leketle mono kae-kae, le nku e nyenyane ka lehlakoreng le leng “Baa,” ’me e be “Baa,” ka ho tšoana feela.

¹⁶¹ ’Me ke ba utloile tlase aletareng ba lla ba lla feela, “Oho Molimo!” ho lla joalo feela, “Oho Molimo!” e ntse e potsanyane ka linako tsohle. Ke hantle. Ho hoeletsa? Be, khele, ke ba bone ba hoeletsa ho fihlela feela . . . ’me ba matha parola mokato ’me ba tlolele holimo le tlase ’me ba hoeletsa.

¹⁶² Joale, u re, “Moena Branham, ha u lumele ho lla!”

¹⁶³ U se ke ua nkuka hampe. Ehlide, ke lumela ho lla. Empa ke re boo ha se bopaki, le a bona, kahobane ba lla bobeli. Ke ba bone ba hoeletsa ka matla kamoo ba neng ba ka hoeletsa. E, monghali. Le ho tsoella joalo feela, ’me tsela e sa le telele, le tseba seo ke buang ka sona. Ke ba utloile ba bua ka lipuo, ba tsoa ’me ba phela bophelo ba mofuta ofe feela, ho etsa eng kapa eng feela. Seo e ne e se sesupo.

Empa u re, “U khahlanong le eona.”

¹⁶⁴ Che, ha ke joalo. Ke lumela ho bua ka lipuo, ke neo ea Molimo ka hare ho kereke. Ha nka e ntša, ke tla be ke ntša karolo ea Molimo. Ha nka tšoara leleme—leleme la ka ho le ntša ’meleng oa ka mona, ke tla be ke se na ’mele o felletseng. ’Mele oa Jesu Kreste o na le lipuo ka ho Oona. ’Mele oa Jesu Kreste mona o na le lipuo; ’me ha u e ntša, u ntša karolo ea Kreste. Empa u ntse u ke oa tlaleha oo e le ’Mele, le a bona. Le a bona? Le a bona?

¹⁶⁵ Empa ke ho amohela Motho eo, Kreste Jesu, ’me lintho tsena tse ling li kena hantle ’me li kopane. Ere setho se seng le se seng sa ’mele ona hoseng hona, e re sehlotšoana sena sa batho, ha re ka hula likharetene ka lehlakoreng le leng le leng ’me motho e mong le e mong ka mona a amohela Motho eo, Kreste Jesu, ho ke ke ha ngangisanoa kapa ho ke ke ha ba khang. Ho tla ba le lerato le phethahetseng feela. Leha ho le joalo u ntse u tla lumela sena ’me u lumele *sane*, empa e tla be e tletse lerato hoo feela u ka ratang . . . Le a bona? Ke phetho. Joale, Jesu u itse, “Le tla ba tseba ka tholoana ea bona.” ’Me tholoana ea Moea ke lerato, thabo, khotso, mammedo, molemo, bonolo, mosa.

¹⁶⁶ Joale, ke ea ho . . . Ke tla u fa tekanyetso ea ka ea seo ke hopolang e le ntho e haufi joaloka bopaki, hore monna ke Mokreste, ho feta sefe seo ke se tsebang. Ua tseba hore na ke eng? Ke moea o tsetselang. Motho ea lulang a lapetse a nyoretsoe Molimo. Ba mpa feela . . . motšeare le bosiu, ha ba—ha ba khone ho e mamella. Ba—ba—ba tlameha ho etsetsa Molimo ho hong. Ba—ba tletse lerato ’me ba feela . . . moea o tsetselang, ho tsetsela ka linako tsohle. Bibele e boletse, “Ea tlolahang a jala ka meokho ruri o tla khutla, a nyakaletse, ba tlamme mangata a theko e thata.” Na ho joalo? Lintho tseo tsohle.

¹⁶⁷ Joale, shebang, haeba mono . . . Haeba kereke ena . . . Ha nka bolela, hoseng hona, hore sehlopha sena sa batho le ’na . . . ’Me Molimo oo re, “Joale, sheba, William Branham, Ke tla u jarisa boikarabelo ba sehlopha seo sa batho, seo u ba bolellang sona. Joale, na u batla ho ba laela bohole ba hoeletse?”

“Ehlide, ke batla hore ba hoeletse.”

“Na u batla hore bohole ba bue ka lipuo?”

“Ke batla e mong le e mong oa bona a etse joalo.”

“Na u batla hore bohole ba hobele Moyeng?”

“Ke batla e mong le e mong oa bona a etse joalo.”

¹⁶⁸ “Ho lokile, be, ke bottle, empa u ka batla hore ba etse’ng?” Uh-huh.

¹⁶⁹ “Nka mpa ka ba le kereke e moroaldo oa motonana hakana pelong ea bona bakeng sa thapelo hore ba lule aletareng ena ’me ba hlole mona motšeare le bosiu, le ntho e ’ngoe le e ’ngoe ese; le ka tlung ea bona, ba lule thapeleng, ’me ba ikokobetse, ’me ba leka ho tlisa batho ho Molimo, le ho letsetsa mehala

sepetlele le ho etela bakuli, le ho leka ho tlisa batho kerekeng le ho etsa hantle. Nka mpa ka fumana seo ho feta tse ling kaofela li kopantsoe 'moho; leha koana e 'ngoe e lokile, ke thepa ea kereke."

¹⁷⁰ Empa haeba ke tlameha ho e fumana, nka beha hoo maemong a pele. Hobane ha u ruile seo, se seng se tla etsahala. Uh-huh. Le a bona? Haeba u ruile seo, ha u ka lapela Molimo hakana, mohoo o tla etsahala. Haeba u lapetse Molimo hakana, ho bua ka lipuo ho tla etsahala. Haeba u lapetse Molimo hakana, 'me u sa phetse ho lapa, tsoelapele ka taba ena. Ho tloha u ipona u ba monyemo, hopola feela, hlokomela, moea o mong o ntse o leka ho itšunya ka mono. Lula hantle ka pel'a Molimo, u ikokobetse, moea u ntse u tsetsela. Eba feela . . . ho ba le ntho e ntle ea mehla-ea-khale . . .

¹⁷¹ Nka tiisa seo ka Bibele "Khetlo la pele ha Lengeloi la Molimo le ne le haola le linaha ho tiisa ka Moea o Halalelang, O tiisitse feela ba neng ba lla 'me ba feheloa ka lebaka la manyala a etsoang motseng," Ezekiele, khaolo ea 9. Na ho joalo? Tiisa liphatleng ba feheloang le ba llang ka lebaka la manyala a etsoang motseng.

¹⁷² Joale, ke batla ho le botsa potso, ke tla le botsa potso ena. (Joale re tla koala kapele kamoo nka khonang.) Ho ka etsahalang kajeno hola Moea o Halalelang o ka feta Jeffersonville, New Albany, le Louisville, ho tiisa bao thapama ena ba lutseng lapeng, "Molimo, romela tsoseletso, ba lapetse kopano hakana feela. Oho Molimo, sheba libe tsa motse. Oh, na ha ho tsabehe, Molimo? Oh, na U ke ke oa romela tsoseletso ka kopo, Molimo? Romela moreri ea khabane, romela motho. Oho Morena, e re Moea o Halalelang . . ." Ke hokae, O ne a ka tiisa kae? Nahana ka seo.

¹⁷³ Joale, "Be, Moena Branham, u bolelang?"

¹⁷⁴ Ke bolela sena, 'me sena ke se bua ka tšabo ka hlompho, ke tsamaea holim'a likhole tse romotsehang. Ke lumela hore letsatsi leo le se le batla le phethehile, ba leng kahare ba kahare. Le a bona? Le a bona? Menyako e koala hammoho, ha u sa na moroalo oo hape.

¹⁷⁵ Billy Graham o ne a tšoere likopano ho phatlalla le naха, le Oral Roberts, le rona bohle. Re llile, 'me ra rapela le ho rapela, le ntho e 'ngoe le e 'ngoe. Empa, le a bona, menyako e a koaloa. "Ea leng litsila," ke qotsa Lengolo, "a be litšila. Ea lokileng, a lule a lokile. Ea halalelang, o ntse a halalela." 'Me ke lumela hore menyako ea Balichaba e koaloa 'moho. Le a bona? Letsatsi la nako ea sehla le se le batla le phirimile, ho sa tla kena ba seng bakae feela. Lebaka leo u ke keng oa tšoara kopano ea mofuta o joalo, ha moea tsetselang. Ha u—ha u fumane moroalo oo.

¹⁷⁶ Ke hopola lilemo tse fetileng. U ba utloa kamehla ba bua ka litselana tsa lerole la patsi le lintho tse ka tabernakeleng. Seo ha se sa etsahala, le ho leka hape. Empa mohlang oo e ne e le e

ncha, Molimo o ne o bitsa Kereke ea Oona. Ke ba bone ba habea 'me ba lla 'me ba robala aletareng bosiu bohle. Ka ea matlung a bona, 'me u ka ba utloa ha u nyoloha, feela ka hara ea bona... liphasoingg tsa bona tsa ho robala, banna le basali ba lla, "Oho Molimo!"

¹⁷⁷ U ba bone ba tsamaea har'a kereke, 'me ke bone piano e qala e letsoa, *Jesu Hona Fapanong Sa Hau*, 'me likeleli li phalla mono, le a tseba. "Hloephe, hloephe, hloephe, hloephe, hloephe." Ho kena kerekeng *ena*, le ho theohela kerekeng e 'ngoe, 'me u ba utloe moo, *Se Teng Seliba Sa Bohlokoa*. "Oho Molimo, pholosa moshanyana oa ka. Pholosa morali oa ka, o lahlehile, Morena. Ka kopo!"

¹⁷⁸ Ha u sa fumana seo hape. Bothata ke bofe? Moea oa Molimo o tlohile. Jesu o boletse, o lepile sena, hore lerato... hobane lerato la ba bangata... lerato la bona le ne le tla tapa. "Kahobane bokhopo bo tla ata, lerato la ba bangata le tla tapa." Le a bona? Le a bona, ho hatsela, ho nyamela. Lerato le a tapa. 'Me ba kentse eng ho eona? Sebopoho feela; ho otlaka piano holimo le tlase, ka thata, le ho hoeletsa, "Khanya ho Molimo! Alleluia! Amen! Rorisang Morena!" Le a bona, ka mokhoa oo, ke sebopoho feela. U se ke oa ikaketsa, u a bona, ho ithetsa feela. U a bona, mamela, moena, ho fihlela rona... Ke tsamaea tjena, ke bua-...

¹⁷⁹ Ha ke bue ka tabernakele ea rona, ke bua ka seo ke se fumanang mathokong a United States. E se e le sebopoho feela, e batla e le boetsisi ba seo re kileng ra ba le sona. 'Me moea o tsetselang, o batla o felile. Oh moena, khaitseli, (Molimo, re hauhele) Molimo o re hauhele!

¹⁸⁰ Shebang litsoseletso tsena le lintho ha li ruthuthaka le ho ruthuthaka le ho ruthuthaka, 'me Evangelie reroa e hlakile ho feta, ke e... E shebe kajeno, hang feela ha tsoseletso e koaloa, ke bao ba ikela. Le a tseba ke'ng?

¹⁸¹ Ere ke bolele sena. Ha ke tsebe hobane'ng ke sa khone ho tlohela sena. Empa, bonang, Jesu o itse, "'Muso oa Maholimo o tšoana le motho ea nkileng letlooa a lahlela leoatleng. 'Me hoba a kene, a nka mefuta e 'maloa ea leoatle, ehlile. A tšoasa likhulu, 'me a tšoasa linoha, 'me a tšoasa, likokoanyana tsa metsi, tlhapi. Le a bona? 'Me ke lumela letlooa... .

¹⁸² Joale, bonang! Khulu ke *ena*, le tlhapi ke *ena*. Khulu eo e ke ke ea thusa hoba e le khulu, e ne e le khulu le ho qaleng. Semelo sa eo ke khulu 'me ke phetho feela se neng se le teng. (Joale hopolang, ke—ke itse ke il'o rapela.) Le a bona, ke khulu le ho qaleng, ke khulu joale. Haeba e le noha le ho qaleng, ke noha joale. Haeba e le kokoanyana ea metsi qalong... .

¹⁸³ 'Me ke lumela hore letlooa le lahletsoe le ho lahleloa le ho lahleloa, ho fihlela tlhapi tsohle li batla li ntšitsoe ka letšeng.

¹⁸⁴ Ke ka hona ba reng, "Be, ke ne ke phahamisitse matsoho a ka. Khanya ho Molimo! Ke batla ho bolokeha. Rorisang Morena!"

'Me matsatsi a mabeli hamorao, "Oh, Lydia, u a tseba linyee tseo ke bosaoana." "Ke nahana hore e ne e nepahetse." Hobaneng? Tlhaho e leng ka *mona* ke kokoanyana ea metsi qalong; e ne e le noha, qalong.

¹⁸⁵ Litlhapi li se li batla li sesefiloe letšeng hona joale. Letlooa le tla omisoa. 'Me Jesu o tla tla, O tla kenya litlhapi tsa Hae mohlang oo. Le bona seo ke se bolelang? Oh, haeba letheba le le leng la la Bokreste le ahile ka ho uena, ha bohashana ba takatso ea hau ho sebeletsa Molimo bo le teng, bo tiise ka thata ka bokhoni ba matla a hau hoseng hona 'me u bo rate ka pelo ea hau eohle.

¹⁸⁶ "Bara ba Molimo ba inkela barali ba motho." Ehlide e ne e le bara ba Molimo. Kajeno e ntse e le bara ba Molimo, empa ke bara ba Molimo ba oeleng. Ba bang ba bona, ho ea ka mangolo, shuu! Kamoo ba ka qotsang Lengolo! Ke bara ba Molimo. Le a tseba, Satane e ne e le monna-letsoho le letona la Molimo. Le a tseba, o tseba haholo ka Lengolo ho feta mang kapa mang—moithuti ofe oa thutabomolimo—moithuti ofe oa thutabomolimo lefatšeng kajeno. Ho bua ka... O ntse a hlanamisa fetola likolo tsa thupello ea boruti, haholo-holo ena ea Baptise mona e reng "Jesu Kreste o tsoetsoe ke Moroma, kapa lesole la Jeremane." Ke tšoere buka e buang ka eona, ke batla ho le bontša a mang a matsatsi ana. Ho lokile.

¹⁸⁷ Ka potlako, Exoda... Oh, re ka be re sa fumane eo holane ra se ke ra khutlela morao. Ke tla li nksa kapele hantle joale, kea tseba hore ke minya nako ea lona e ngata. Na bohole le ka 'mamella metsotso e seng mekae hape? [Phutheho e re, "Amen."—Mohl.]

13. Na ba likete tse lekholo le mashome a mane a metso e mene, ba boletsoeng ho Tšenolo, masala a Bajuda ao re... e tla ba karolo ea Hloibilo ea Kereke? (koana) Na Israele, qalong ea...ba ile ba qala... (Ke kopa tšoarelo)... ho kena nakong—nako ea...?

¹⁸⁸ Ke masoabi, motsotso feela hofihlela ke utloisia taba ena. E—e fetile, e monyetse pampiring.

... e tla etsahala nakong ea lilemo tse sekete tsa—tsa Kreste ho ena le eo motho a ka e phelang, joalokaha batho baa ba volumeli ba kajeno ba re bolella? E, monghali.

¹⁸⁹ Joale, motsotso feela, ho lokisa sena. Potso ke hore:

Na likete tse lekholo le mashome a mane a metso e mene, tseo re leng masala a tsona...?

¹⁹⁰ Ke batla ho re lokisa tabeng eo pele, ho inetefatsa feela hore lona... Le a bona, likete tse lekholo le mashome a mane a metso e mene...

Na ba likete tse lekholo le mashome a mane a metso e mene, ba boleloang ho Tšenolo, masala a Bajude joaloka ha e tla

ba karolo ea Hloibilo ea Kereke? Na ba likete tse lekholo le mashome a mane a metso e mene . . . ?

¹⁹¹ Joale, feela . . . ke a—ke a . . . Ke batla ho hlakeloa ke taba ena kelellong ea ka pele ke qala ka eona.

**Na ba likete tse lekholo le mashome a mane a metso e mene,
ba boleloang ho Tšenolo, masala a Bajuda e tla ba karolo ea
Hloibilo ea Kereke?**

¹⁹² Ke batla ho utloisia seo pele. Ba likete tse lekholo le mashome a mane a metso e mene ke masala a Bajuda, empa ha se Kereke e hloibitsoeng. Le a bona? Sheba joale ho Tšenolo, khaolong ea 6, u tla bona seo.

¹⁹³ Joale re tla fumana karolo e 'ngoe ka ho e 'ngoe—lehlekoreng le leng 'me ba na le potso e 'ngoe ka mono. Hlokomelang lintho tsena.

¹⁹⁴ Ho lokile, shebang mona joale, Tšenolo 6, joale, ke hona moo u e fumanang. Le a bona? Joale, re tla qala, o tsoela pele 'me o bua ka bakalli ba lipere, le joalo-joalo, ho ea pele. "Hoba ba manolle . . ." Ha re fumaneng temana ea 9 ea khaolo ea 6 ea Tšenolo:

Etise hobane e manolle tiiso ea bohlano, . . .

¹⁹⁵ Ke—ke—ke fositse, ke khaolong e fosahetseng. Ke khaolo ea 7:

*. . . ka mor'a lintho tsena ka bona mangeloi a mane a
eme likhutlong tse 'nè tsa lefatše, . . .*

¹⁹⁶ Oh, ke potso e ntle hakakang, 'me ke nakoana feela ho kena ho eona le ho rapella bakuli.

*. . . ka mor'a lintho tsena ka bona mangeloi a mane a
eme likhutlong tse 'nè tsa lefatše, le tšoere meeaa e mene
ea lefatše, hore moea o se ke oa fokela lefatšeng, leha e
le leoatleng, kapa sefateng sefe kapa sefe.*

*'Me ka bona lengeloi le leng le theoha leholimong, le
e-na le letšoao la Molimo o phelang: . . .*

¹⁹⁷ Oh, kholiseha, ena ke potso e babatsehang. Le a bona? Joale, shebang setšoantšo se makatsang; Johanne o boletse joale, mona . . . hole le lefatše joale, ka Moea, o sheba morao lefatšeng. 'Me a bona mangeloi a mane a eme likhutlong tse 'ne tsa lefatše, a tšoere meeaa e mene ea lefatše.

¹⁹⁸ Joale, "meea," ka Bibeleng . . . Ha ke na nako ea ho le batlela Mangolo. Empa re ka fihlela sena. Haeba e sa arabjoa hantle, ke tla e nka ka nako e 'ngoe. E mene . . . *Meea*, ka Bibeleng, e bolela "lintoa le likhohlano." Joalo ka mehleng ea Jobo, lea hopola, meeaa e ile ea theoha le—le ho nka bara. 'Me le tseba seo ke se bolelang, ke—ke—ke mathata. Le a bona?

*. . . 'me ka bona mangeloi a mane (mangeloi a mane,
kapa "manqosa a mane"), a ne a eme lipheletsong tsa . . .*

kapa likhutlong tse nè tsa lefatše, a tšoere meeaa e mene...

...’me a hoeletsa ka lentsoe le phahamileng ho mangeloi a mane a neng a neiloe—ho senya lefatše le leoatle. (Joale, hoo ke ho tla ha Morena, seo a buang ka sona. Le a bona?)

a re, Le se ke la senya lefatše, leha e le leoatle, leha e le lifate, ho fihlela re tiisitse bahlanka ba Molimo oa rona liphatleng tsa bona. (Bahlanka.)

¹⁹⁹ Joale, hopolang, Kereke ha se bahlanka ba Oona. Re bara ba Hae, eseng bahlanka ba Hae. Mojuda ke mohlanka oa Hae kamehla. Kereke ha e eso be bahlanka ba Hae, esale e le bana ba Hae. Le a bona? Bahlanka:

’Me ka utloa palo ea bona...ba neng ba tiisitsoe: ’me e ne e le likete tse lekholo le nang le mashome a mane a metso e mene tsa meloko eohle ea bana Iseraele. (Joale, shebang, bohle ke Bajuda.)

²⁰⁰ Joale hlokamelang! “Ba leloko la Juda ba tšoailoeng e ne e le likete tse leshome le metso e ’meli. Leloko la Rubene, leshome le metso e ’meli. Leloko la Gade ba leshome le metso e ’meli. Asere, ba leshome le metso e ’meli. Ho Nefthali, ba leshome le metso e ’meli, le—le ho theosa. Simeone, leshome le metso e ’meli. Le Asere, ba leshome le metso e ’meli. Le Zabulone, ba leshome le metso e ’meli. Le Benjamin, ba leshome le metso e ’meli.” ’Me meloko e leshome le metso e ’meli ea Iseraele, ka hona leshome le metso e ’meli atisa ka leshome le metso e ’meli... ke eng? Ke likete tse lekholo le mashome a mane a metso e mene. Joale, hlokamelang, meloko eohle ea bana ba Iseraele. Joale hlokamelang, bao e ne e le “bahlanka” ba Molimo.

²⁰¹ Joale mohlomong nka hlakisa taba ena. Joale shebang:

Ka mor'a sena...bonang, ’me, bonang, ka bona letšoehali le leholo, leo ho seng motho ea ka tsebang ho le bala, (Joale, sehlopha se seng ke sena, le a bona) sa lichaba tsohle,...mefuta,...lipuo, le batho, ba eme pela terone, le pel'a Konyana, ba nang le bosoeu...ho ba le...Konyana, ba apere liaparo tse litšoeu, ba tšoere lipalema matsohong a bona;

’Me ba hooa ka lentsoe le phahameng, ba re,... (Mamelang kopano ena ea Moea o Halalelang!)... Poloko ho Molimo oa rona o lutseng teroneng, le ho Konyana.

’Me mangeloi ’ohle...teetseng hare—hare terone, le baholo le libopua tse phelang tse ’ne,...ba itihela fatše ka lifahleho pela terone, ’me ba khumamela Molimo,

ba re, Amen: Poko, . . . khanya, . . . bohlale, . . . teboho, . . . tlotla, . . . matla, . . . borena, ho Molimo oa rona kamehla le mehla. Amen.

'Me e mong oa baholo . . . (Joale, hlokomela joale, e ne le . . . Johanne o ne a le ponong) . . . e mong oa baholo a re . . . a nkaraba, a re ho 'na, Bana ke eng . . . (Joale, Johanne e ne e le Mojuda, 'me a bona meloko e lesome le metso e 'meli ea Iseraele, a e tseba) . . . Empa bana ba apereng liaparo tse telele tse tsoeu ke bo-mang? 'me ba tsoa kae? Ba tsoa hokae? Joale, u bone Bajuda, u ba tseba e mong le e mong, u ba bala ka meloko 'me oa bolela likete tse tsoailoeng. Empa bana ba meloko eohle ke bo-mang, ba lipuo tsohle, le ba lichaba tsohle? Ba ne ba tsoa hokae?

Ka re ho eena, Monghali, ho tseba uena. (Johanne, ka mantsoe a mang, "Ha ke tsebe moo ba tsoang teng. Ke Mojuda 'me ke eme mona, 'me ke bona ba heso—batho ba heso le ho bona ba leng teng mona.") . . . A re ho 'na, Bana ke ba tsoang mahlomoleng a maholo, . . . (Le a bona?) . . . matšoenyeho a maholo, 'me ba hlatsoitse liaparo tsa bona, ba li soefatsa maling (ha se setho sa kereke), empa maling a Konyana. (Le a bona?)

Ke ka baka leo ba leng pel'a terone ea Molimo, 'me ba o sebeletsa motšeare le bosiu ka tempeleng: . . .

²⁰² Joale, Mof. Branham o ntšebeletsa kae? Ka tlung. Ke Monyalua eo. Mof. Neville, ke hona moo a lulang teng, ka tlung, a u sebeletsa. Ke hona moo Monyalua a leng teng, ha se bahlanka, Monyalua.

. . . sebeletsa . . . ka tempeleng: le bao . . . ea lutseng holim'a teroneng o tla aha le bona.

'Me ha ba sa tla hlola ba lapa, . . . (Ba fositse lijo tse 'maloa, ka chebeho (na ha ba joalo?) mehleng ea bona mona) . . . ha ba sa tla lapa, leha e le ho nyoroa . . . ha ba tla batoa ke letsatsi, leha e le lebatama.

Hobane Konyana e mahareng a bona e tla ba etella pele e ba fepe, 'me e tla ba isa ho—ho ba phelang . . . (mototsotso feela) . . . liliba tse phelang tsa metsi: 'me Molimo o tla hlakola . . . meokho eohle (ke sehlopha se llang se keneng moo) mahlong a bona. (Le a bona?)

²⁰³ Joale, hlokomelang, ba ne ba lapile ba nyoriloe, 'me ba lla, 'me ba bokolla 'me ba kopa, ba tsoa matšoenyehong (ho re, "Sheba sehlopha seo sa bahalaleli ba thetthehang, oh, ba a hlanya!"). Oh, khili! Ee. Le a bona? Empa ba kile ba lla 'me ba kopa, ha baa ka ba pheha khang le ho ja. 'Me ba lla feela 'me ba kopa. 'Me, le a bona, 'me e ne e le ba mefuta eohle, lipuo, le lichaba.

²⁰⁴ Joale, ba likete tse lekholo le mashome a mane a metso e mene, bao e ne e le Bajuda. Abrahama e ne e le mohlanka oa Molimo. Haesale Bajuda e le bahlanka ba Molimo. Molichaba ha eso be mohlanka oa Hae.

²⁰⁵ Joale, re mpe re potlake ho phethela sena joale, hoba re sa na le tse peli kapa tse tharo hape. 'Me ke tla potlaka kamoo nka khonang, 'me ke sa leke ho habanya lintho tsena. Empa ke tla khutla 'me ke li thonake hape Sontaha se tllang (ha Morena a ratile) 'me ke qete nako e ngata holim'a tsona.

²⁰⁶ Empa, bonang joale, a bona likhutlo tse 'ne tsa lefatše, le mangeloi a eme likhutlong tse 'ne tsa lefatše. Joale, u re, "Ke ne ke nahana hore le chitja"; seo ha se le thibele ho ba le likhutlo tse 'nè, u a bona. Ho lokile.

²⁰⁷ Joale, "Likhutlong tse 'nè tsa lefatše, a tšoere meeaa e mene." Ka mantsoe a mang, meeaa e fokang, e fokang lintoeng le likhohlano tse tllang holim'a lefatše lohle. Seo se etsahetse neng le ka mohla? Lekhale haese ho fihlela Ntoeng ea Pele ea Lefatše. "Ho thiba meeaa," 'me ba ne ba loana, ba kena ho ea hapa.

²⁰⁸ 'Me joale, e Mong ke enoa a etla. Joale, ha u ka hlokomela 'me o ka lebisa ho Lengeloi leo, ke lona Lengeloi leo le tsoileng ho Ezekiele 9, eitseha banna ba tsoa ka mor'a likhoro tsa bona ba nkile libetsa tse hlabakang 'me ba haola le Jerusalema ho ea bolaea Bajuda. Le a hopola? A re, "E tšoareng! E tšoareng! E emiseng, ho fihlela le haola le motse 'me le bea letšoao phatleng e 'ngoe le e 'ngoe e feheloang le ba llang ka manyala a entsoeng motseng." Na ho joalo?

²⁰⁹ Hape, hoba A etse seo, eaba O ba lumella ho kena le ho hlabaka. Eo e ne e le hloriso tlas'a Tite. Joale, le a bona, ke lona Lengeloi leo, le khutlang hape, le tsoa Bochabela (le moo Jesu a tla tsoa teng) 'me Le ne le tšoere Tiiso ea Molimo o Phelang. Khanya!

²¹⁰ Joale, Tiiso ea Molimo O phelang ke eng? Oh, haeba eo e se qabang e kholo lefatšeng kajeno! Ba bang ba re ke ho boloka letsatsi la sabbatha, 'me ba bang ba re ke ho etsa *sena le sane*. Empa Bibele e boletse "Moea o Halalelang ke Tiiso ea Molimo"! Baefese 4:30 e re, "Le se ke la soabisa Moea o Halalelang oa Molimo oo le tšoailoeng ka 'ona ho fihlela letsatsi la topollo ea lona." Le a bona? Ho lokile. Ke Moea o Halalelang.

²¹¹ Ebe ho tla eng? Joale, bona! Oho, ha ke nahana ka sena, pelo ea ka e a kaba-kaba. Joale O itse, "Tšoara meeaa e mene ho fihlela" (ka mantsoe a mang) "re tiisa bahlanka ba Molimo oa rōna liphatleng tsa bona." *Bahlanka*, ba "Bajuda." (Johanne a reteleha, a re, "Ke bone likete tse lekholo le mashome a mane a metso e mene li tiisitsoe.") Joale meeaa eohle e ile ea qala ea foka, 'me e ka be ile ea aparela lefatše 'me ntoa ea Armagedone e ka be e etsahetse Ntoeng ea Pele ea Lefatše, empa . . .

²¹² Joale ke lokela ho fumana Lengolo le leng mona ho le bontša. Jesu o buile ka batho hore . . . O itse, “Ba bang ba kena nakong ea hora e le ’ngoe, le hora e ’ngoe, ’me e ne e le batho ba hora ea leshome le motso o mong. Batho ba hora ea leshome le motso o mong.” Joale, lona batho ba semoea ba balang mahareng a mela, hobane ke lokela ho tlolela mona le ho potlaka. Joale, shebang. “Kenang, batho ba hora ea leshome le motso o mong.” ’Me hona joale . . . “Ua pele o kene ’me a lefshoa peni, ’me oa bobeli a kena ’me a lefshoa peni, ’me batho ba hora ea leshome le motso o mong ba lefshoa peni joaloka bao ba qalong.” Na ho joalo? Hora ea leshome le motso o mong!

²¹³ Joale, hlokamelang, Mojuda ke mokolokotoana, re mo sala morao joale. Joale, ha Ntoa ea Pele ea Lefatše e fihla, e nkile Mojuda e mong le e mong, ba hasana ho ea lichabeng tsohle. Joaloka Lengolo la pele le botsitsoeng kajeno, kamoo A tla ba qhalanya lichabeng tsohle, ke bao bohle. ’Me meeaa ke ena e fihla Jerusalema, hohle, ntoea ea lefatše.

²¹⁴ ’Me A re, “Tšoara! E emise, ho fihlela re tšoaila bahlanka ba Molimo oa rona.” Ka mantsoe a mang, “Re ba tlisa ho tsoa lichabeng tsohle, hohle, ho ba tlisa hoba re tlameha ho ba kenya hantle ka mona ho tiisa likete tseo tse lekholo le mashome a mane a metso e mene. E tšoare!”

²¹⁵ ’Me Ntoa ea I ea Lefatše e emisitse ka khoeli ea leshome le motso o mong ea selemo, ka letsatsi la leshome le motso o mong la khoeli, hora ea leshome le motso o mong ea letsatsi, hore batho ba hora ea leshome le motso o mong ba tle ba kene. Pitso ea ho getela ea Mojuda! ’Me o tla amohela eona kolobetso ea Moea o Halalelang eo ba e fumaneng qalong morao mane Pentekosta, ba kolobetsoe ka ho tšoana, le ntho e ’ngoe le e ’ngoe, batho ba hora ea leshome le motso o mong baa kena.

²¹⁶ A re, “E tšoareng, joale, ho fihlela re tiisitse.”

“U tla e tšoara ho fihlela neng?”

²¹⁷ “Ho fihlela re tiisitse bahlanka ba Molimo oa rōna. Joale, rona—re ntse re tiisa Balichaba, ba se ba tiisitsoe, likete atisa ka likete khabareng ea lihloriso le matšoenyeho ana, li tiisitsoe. Empa ema hanyenyane! Motsotso feels! Se lumelle ho—. . . Se lumelle ho fihle nako pele re tiisa bahlanka bana.” ’Me a tiisa likete tse lekholo le mashome a mane a metso e mene.

²¹⁸ Eaba meeaa e lokolloa hape. Joale, hlokamelang, ’me ho tloha Ntoeng ea Pele ea Lefatše hloris ea khafetsa e hlahile khahlan le Bajude. Ho hlahile Hitler bakeng sa Ntoa ea Bobeli ea Lefatše, ’me hoba e etse, a qala joalo . . . Eng? O ne a til’o qhomisa lefatše lohle kamahohle. Na ho joalo? O ne a tla le qhomisa, ka mathoko. E, o ne a tla etsa.

²¹⁹ Ntho e ’ngoe le e ’ngoe e ne e loketse e be Bokomonisi. Na le sa hopola mohla ba neng ba tla nkenya chankaneng tlase mona? Ke ne ke rera ntho eona ena tlase mona Holong ea Redman bosiusg

boo. E, monghali. Ho re, "Ho tla hlahamekha e meraro. 'Me eohle e tla ipokella mokheng o le mong, 'me mokha oo o tla hlahisa hloriso e tla romela Jesu Kreste lefatšeng hape." 'Me ho hlile ho joalo. 'Me boo e ne e le Bokomonisi, le—le Hitler le—le Nazi, joalo-joalo; le kamoo Bofasime boo ba Mussolini, le Hitler, le Stalin. Ka re, "O mong har'a eona o tla ithea. Ha ke tsebe e tla ba ofe, empa ke lumela e tla ba khosi ea Leboea." Ruri le hopola lintho tseo le kamoo tseo li rutiloeng ka mona; le Moena Mahoney, le lona bohole ho tsoa morao koana, le a tseba.

²²⁰ 'Me ba re, "Ha u ka rera seo . . . "

²²¹ 'Me holim'a ntho ena N.R.A. eo, ke itse, "Leo ha se letšoao la letho la sebata, ka 'nete che. Ke ho khanyetso ea bolumeli; e seng seo." Ka re, "Empa e le selelekela feela ho hlophisa batho, le ho tseba hore qaleho ena, hantle mona ke qaleho ea mahlomola, hantle mona ke hona moo re qalang teng hantle. Hantle mona ke mohla—mohla nako e qalang ho atamela. Joale, hlokamelang, mono nakong eo."

²²² Joale, lihloriso li oela holim'a Bajuda, 'me ba qala ba ba hlorisa ho tsoa lichabeng tsohle le ho ba qobokisetsa hantle Jerusalema. Na ho joalo? E mong le e mong, ba tsamaea hantle . . . 'Me O tla fumana likete tse lekholo le mashome a mane a metso e mene. Shebang mona pejana ho Tšenolo moo Johanne . . .

²²³ Mongh. Bohanon tlase mona o ne a re ho 'na, a re, "Ha kea khona ho bala Tšenolo eo." Ho re, "Monyaluoa e ne e le eo a eme holim'a Thaba ea Sinai." A re, "Monyaluoa e ne e le eo holimo koana Leholidong." 'Me a re, "Monyaluoa e ne e le eo, 'me metsi . . . drakone e phusalatsa metsi molomong oa eona ho loana le Eena." A rialo . . .

²²⁴ Ka re, "Mongh. Bohanon, taba ke hore, u fositse ntho eohle, u e bitsa 'Monyaluoa.'" Ka re, "Bajuda ba tla ema holim'a Thaba ea Sinai, likete tse lekholo le mashome a mane a metso e mene. Monyaluoa, ka nepo, o ne a le Leholidong le Jesu. 'Me drakone e phusalatsang metsi molomong oa eona e tla loana le *masala* a Peō ea mosali." E ne e le sehlopha *sena* mona se neng se lokela ho theoha, e seng *sane*. Le a bona? *Masala* a Peō ea mosali, "kereke e halalelitsoeng," kantle le ho amohela Moea o Halalelang, ke bona bao a ba loantsitseng. Le a bona?

²²⁵ Ke bana, ho na le merabe e meraro. Kamehla u hopole bo-tharo bao kelellong. 'Me *mona* o bone, mathokong, lekholo lena le mashome a mane a metso e mene la likete li teetse Monyaluoa eo e moholo ea lopolotsoeng hare. Ke masala ana a neng a setse, ke bao mono, Bajuda ke bao, mono, ba tiisitsoeng, lekholo le mashome a mane a metso e mene a likete. Ba halalelitsoeng ke bana, ba hanneng ho fumana Moea o Halalelang. Kereke e tla hlorisa khahlano le . . . eona—eona kereke ea Roma le bao ba tla ba hlorisa. Empa Monyaluoa o se a hloibitsoe 'me o Leholidong.

Ke bao moo ba leng teng, ba hlekiloe hantle kamoo Bibele e ba boletseng ba tla hlophisoa kateng. Le a bona?

²²⁶ Kahoo ba likete tse lekholo le mashome a mane a metso e mene ke Bajuda, bahlanka ba Molimo. 'Me mohla Evangeli ea Moea o Halalelang e rerloang bona, 'me ba amohela kolobetso ea Moea o Halalelang hantle feela joaloka ha ba entse tšimolohong, nako ea Balichaba e felile, Kereke e tiisitsoe, Hloibilo e a fihla.

²²⁷ Matsatsi a Balichaba, Evangeli e reriloe hohle, e ruthuthiloe har'a Balichaba, ho hula ho sesefa, ho leka ho kenya tlhapi e 'ngoe le e 'ngoe e ka metsing ho kena. 'Me le ba shebe, boholo . . . ? . . . Ho khulo eohle e ne e le likhulu le liokho tsa metsi, joalo-joalo. Hang feela ha tsoseletso e fela ba khutlela lefatšeng hape. Litlhapi li se li ntse li fanyehiloe. Na le bona seo ke se bolelang?

²²⁸ Evangeli e reriloe! Ha u sa utloa sello hape, ha ho sa le moluma, ho fehelo, ho llela kolobetso ea Moea o Halalelang. Ba rata ho kena, ee, ba ba bea matsoho ka makholo, 'me ba tsoelapele le ho tantša, mohlomong, kapa ntho e 'ngoe e kang eo. Ho lokile, empa ao ke makhabane feela.

²²⁹ Motho eo Kreste Jesu o hlahisa ntho ea sebele, le ho baballa motho eo a bolokehile ka ho Kreste ho fihlela A etla. Ke Eo moo. 'Me joale, 'me ke ka hona ho seng ho sa lluoe, menyako e se e tla koaloa. Letlooa le sa tsoa lahleloa, e batla e le lekhetlo la ho qetela, ba 'maloa feela joalo ho huleloa 'Musong oa Molimo. Menyako e a koaloa!

²³⁰ Ebe ntho e latelang ke efe? Bajuda ba lokela ho amohela Moea o Halalelang le ho kolobetsoa ka Lebitso la Jesu Kreste. Haesale ba hlorisira le ho songoa; 'me, mono, hang ha Moea o Halalelang o hlahisetsoa bona, ba amohela kolobetso ea Moea o Halalelang. Kereke ea Balichaba e a hloibiloa. 'Me ba hanneng, 'me ba tsamaile tlas'a tokafatso feela, drakone (matla a Roma) a phusalatsa metsi, a tla kopana le Bokomonisi, le ho kenya kereke hlorisong ka mokhoa oo. Ke bao moo ba bapisitdoeng ka nepahalo.

²³¹ Oh moena, ha re e bona e tla, ke ka hona ke rapelang, ke ka hona ke llang ho Molimo, "Morena, ke batla ho fihla ho Bajuda bao. Ere ke qale tlase mono Afrika, ke sebetse le ba 'maloa ba Balichaba bao le bo Mohammed. 'Me ere ke koana India 'me ke leke ho hlahisa le ho ba bontša Morena Jesu Kreste oa sebele ka matla a Hae, mehlolo ea Hae, Kolobetso ea Hae, ntho e 'ngoe le e 'ngoe, le Moea o Halalelang." Joale etlareha ba fihla Jerusalema . . .

²³² Moena Beeler, sena ke seo u neng u botsa ka sona. Eitse ha ba fihla Jerusalema 'me ba ema kantle mono, ba re, "Joale, haeba Jesu e le Mora oa Molimo ea tsohileng bafung, O tseba lintho joaloka ha A entse morao koana tšimolohong, A ka hlahisa bona Bophelo boo A bo entseng morao koana. 'Me haeba A etsa

joalo, na le tla Mo amohela joaloka Mopholosi oa lona?" Ebe ho a bontšoa hore Molimo ka matla a Oona a maholo le lintho tsa matla a Oona a tsöhileng, O na le rona.

²³³ Etclare ha ba etsa joalo, ho re, "Joale, lona ba Mo amohetseng e le Mopholosi oa lona . . ." Ke tšepa ho tla ba le likete tsa bona. Ho re, "Oona Moea o Halalelang o theohileng ka Letsatsi la Pentekosta o teng mona bakeng sa lona."

²³⁴ Ebe Evangelie khutlela ho Bajuda hantle mono ka nako eo. Ke moo ho tla tsoha tsoseletso har'a Bajuda bao hantle mono e tla jara likete le mashome a likete le . . . ho kenya likete tse lekholo le mashome a mane a metso e mene, 'Musong oa Molimo, ba tla tšoauoa ke Lengeloi le tšoaeang.

²³⁵ Ke tšepa hore O tsoa Bochabela. Ke kamoo A leng kateng ho tsoa ho rona joale, ka tiiso ea Hae letsohong la Hae. Hape, oh, ke batla ho bokelloa ka mono. "Ke rometse hloriso mona le hloriso mono, 'me ke qhobile Bajuda le ho ba khanna ka thata kamoo ke khonneng. 'Me ba boetse ba khutletse kahare. Bajuda ba bangata ba United States (etsoe ba ke ke ba e phonyoha) ba se ba amohetse Moea o Halalelang. Empa ke na le bohole ba likete tse lekholo le mashome a mane a metso e mene ba emeng mono ba tlang ho amohela kolobetso ea Moea o Halalelang."

²³⁶ 'Me hantle mono, hang feela ha Lengeloi leo le tiisang le qala le tiisa likete tseo tse lekholo le mashome a mane a metso e mene, monyako oa Kereke ea Balichaba o koetsoe, 'me Bajuda ba isa Moea o Halalelang ho Bajuda. 'Me ba tla futha tsoseletso e tla haola le lefatše lohle. Alleluia! 'Me matla a Molimo a tla bonahatsoa har'a Bajuda. Oh, ho babatseha hakakang! Whew! Oh, khili!

²³⁷ E reng ke bone, kapele, "Esaia." Re fumane seo "bara ba Molimo." Joale ha re boneng:

Na Israele . . . ?

²³⁸ Bona haeba u ka bala seo, moena. Ke . . . E ne e batla e matha hammoho, o e hlakotse makhetlo a 'maloa. 'Me ke tla batlana le e 'ngoe hape. Ka kopo, hle. [Moena Neville o bala potso eo—Mohl.]

14. [Na moelelo oa Esaia oa "ho pshatla lisabole ho tea mehoma" ho ke ke ha etsahala nakong ea puso ea Kreste ea lilemo tse sekete, sebakeng sa ntho e ka tlisoang ke motho, kamoo re boleolloang ke borabolumeli ba rona ba bangata kajeno?]

²³⁹ Ho-re u mang, ngoan'eso ea ratehang kapa khaitseli ea ka, ekare mongolo oa monna, empa, koana, ho-re u mang, u nepile hantle! Ke mohla mehoma e tla teoa, kapa, mohla lisabole li tla teoa e be mehoma. Hoo ho tla hlahisa Puso ea Mileniamo. Le lihlotšoana tseo tsople tsa borapeli tsa sejoale-joale tse likolohang li leka ho ruta batho ho ba kenya 'Musong oa Molimo . . . Ke mohla Molimo ka Seqo o tlang ka Boleng bo

ka holim'a hloleho le ka Matla a ka holim'a hloleho, ho batho ba lumelang lintho tse ka holim'a tlhaho, 'me ba tla amohela Matla a ka holim'a hloleho a tla bopella bara ba Molimo. Alleluia! Ha e sa tla hlola e-ba ho bala, ho ngola, lipalo, e tla ba ka matla a tsoho ea Jesu Kreste. Joale lefatše ha le sa tla hlola le ithuta ntoa.

²⁴⁰ Sechaba ka seng kajeno, matla 'ohle, 'muso o mong le o mong, o laoloa ke liabolosi. Bibele e rialo. 'Me ka le leng la matsatsi ana 'muso oa lefatše lena e tla ba mebuso oa Morena oa rona le oa Kreste oa Hae, 'me O tla busa le ho rena lilemo tse sekete holim'a lefatše; le ho hloibila Kereke. Hantle, ho joalo, 'mali ea ratehang.

²⁴¹ Ba likete tse lekholo le mashome a mane a metso e mene ke bahlanka. Palo e kholo eo ho seng motho ea ka e balang... "Matšoele ao ho seng motho ea ka a balang," ke Balichaba.

²⁴² Motsoeto feela joale, nthoana e 'ngoe hape mono. Ha ke khone. Ke tla etsa thapelo ea phutheho ke hona, metsotsong e 'maloa. Shebang mona, ke nahana hore Sena se bohlokoa ho feta hona joale. Ke batla ho rapella bakuli, empa re tla potlaka. Sebakeng sa ho hlakisa temoho ea moea, re tla feta hantle feela. Ke batla ho le botsa ho hong. Ebile e 'ngoe ke ena hape. Ke tla tlameha feela ho nka ena 'me ke e nke Sontaha se tlang, kea kholoa.

²⁴³ Bonang, metsoalle, tabeng ena, e ntle hakakang! Bonang! Ke batla hore u shebe joale, ka hloko, motho enoa ea botsitseng potso ena. Lekholo le mashome a mane a metso e mene la likete, joale, bao ke bahlanka, ba tla sebeletsa. Haeba le hlokometse, ho latela malulo, Lengolong la khale...

²⁴⁴ Kamehla sheba seriti haeba u batla ho bona seo posetifi e leng sona. Ke hantle. Shebang morao koana, u bone hore ke eng. Joale, ho fapano ho tloha Sefapanong, 'me sheba hore positifi ke eng ha u batla ho bona seo seriti se leng sona. Morao koana, e ne e itšetlehilie ka Sefapano, re ne re loketse ho sheba (morao mono) ho bona seriti, ho bona seo Sefapano se ka bang sona; joale u loketse ho sheba ho tsoa Sefapanong, ho hetla morao le ho bona seo seriti se leng sona. Le a bona? Sheba seo Kreste a neng a le sona mehleng ea Hae mona lefatšeng mona, seo a neng A le sona mohlang oo O sona joale. Sena ke seriti sa Hae. Le bona seo ke se bolelang? Le a tseba, qalong ha ke ne ke e hlalosa, ke seo e leng sona. Joale, haeba ke shebile ho tloha morao mono, ke lokela ho sheba seo seriti e neng e le sona ho fumana hore sena e tla ba eng, seo Sefapano se neng se le sona.

²⁴⁵ Joale, ka letsatsi le leng sebe se kile sa ba Israeleng, 'me ho le monna... lelokong a bitsoa Levi. Ba tsomula lisabole tsa bona ba ea le Moshe liahelong, ba falatsa sohle seo e neng e le sebe. Na ho joalo? Molimo oa sheba fatše 'me oa re, "Kahobane u entse hoo, 'me oa nkemela sebakeng sa Ka, ea hau... ba bang bana bohole ba tla u sebeletsa. 'Me le tla kena hantle ka tempeleng

le be baprista.” Na ho joalo? “U lule hantle ka tempeleng, ’me ba ba bang ba tla sebetsa, ba tlise karolo ea leshome ’me ba u hlokomele.” Na ho joalo?

²⁴⁶ Oh, alleluia! Haeba u ka bona seo tempele eo e neng e le sona, hore Balevi e ne e le Monyaluo. Joale, mohla sebe se siphohang letsohong le leng le leng, ba-Levi ba tsomula lisabole tsa bona. Monyaluo ea tsoetsoeng ka Moea o Halalelang o eme kantle, a ntse a re, “Jesu Kreste ka positifi ke Jesu Kreste ka neketifi, ka ho tšoana feela. Sebe e ntse e le sebe, ke phoso ho etsa lintho tsena!” Ke hantle, ba eme mono ka Sabole.

²⁴⁷ Molimo o re, “Tloong joale, lona ba hlohonolofalitsoeng ke Ntate oa Ka.” Eo ke Monyaluo.

²⁴⁸ Ke bao bahlanka, ’me le shebe moo bahlanka ba hlommeng liahelo teng. Leshome le metso e ’meli ka lehlakoreng lena . . . Ke bolela, ba bane lehlakore *lena*, ba bane lehlakore *lane*, ba bane lehlakore *lane*, ’me ba bane lehlakore *lane*; meloko e leshome le metso e ’meli. Meloko e leshome le metso e ’meli ke likete tse lekholo le mashome a mane a metso e mene. Sheba Bukeng ea Tšenolo, u bone Motse o nang le metheo e leshome le metso e ’meli. Khorong ka ’ngoe ho ngotsoe lebitso la moapostola, ’me likhoro li leshome le metso e ’meli. ’Me o teetsoe hare ke meloko e leshome le metso e ’meli, (allelua!), ba lutse ba o teetse hare.

²⁴⁹ ’Me ka hare ka mono e ne e le Balopolloa. Alleluia! Botšo, bosoeu, bosehla, bosootho, ’me bohole ba hlatsotsoeng ka Mali e tla ba bahlanka ba Hae, O itse ba tla ba le Eena. Ba tla . . . Letsatsi ha le sa tla hlola le ba bata, ha ba sa tla lapa kapa ba nyoroa, ’me ba tla busa ’me ba rene le Kreste kamehla khabareng ea Mongoaha o moholo o sa khaotseng: Eena, Khosi; le bona ’moho, Mofumahali. Ho busa le ho rena kamehla!

²⁵⁰ Morena a le hlohonolofatse. Amen. Ke tla boloka tsena; ha Molimo o ratile, ke tla khutlelana le tsona hape, mohlomong bosiung bona, le ho li araba bosiung bona kapa neng ha Moena . . . re tla kopana ’me re buisane. Morena a le hlohonolofatse. Le Mo rata ka pelo eohle ea lona?

Oh, ke batla ho ’Mona, ho boha tšobotsi ea Hae,
Teng ho phela kamehla ka mohau oa Hae o
pholosang;

Ho pha’misa lentsoe literateng tsa Khanya;
Maima ’ohle a nyametse, ke lapeng qetellong,
ho thaba kamehla. (Oh, khili!)

Ha ke haola fatšeng lena, ke ntse ke bina,
Ho supisa meea Kalvari, mophuleng o
mofubelu, (E seng—e seng ho kereke; ho
Kalvari.)

²⁵¹ Ke hona moo re supang teng; eseng thutong e itseng ea bolumeli, empa mophuleng o bofubelu bo lerootho, ho Jesu Kreste. “Bophelo bo maling,” ’me Eena ke Mali a Molimo e leng

Bophelo ba rona bo phelang ka ho rona joale. Ho bokoe Tlamo e tlamang!

²⁵² Ha re tloha ho ea rapella bakuli, ke batla sefela se—se khetheleng joale. Ke batla Khaitseli Gertie le morali oa hae, ha ba rata, ba tle koano. 'Me sena ke sefela sa khale sa mantlha, ke batla le mpinele sona, *Lumela Feela*. Ke a hopola, ke ne ke kena monyako oo, 'me sefela sena se ntatetse hohle lichabeng. 'Me ke—ke batla hore ba bine, ke eena oa pele ea se letsitseng, oa pele mohla ke ne ke se utloa. Motsoalle oa ka o se ngotse, Paul Rader. 'Me, pele re rapella bakuli, ke batla hore ba se bine nakong eo mahlohonolo a Molimo a lulang holim'a batho bakeng sa bakuli.

²⁵³ Re nkile nako e ngata. Tšoarelo, Moena Neville. Molimo a u hlohonolofatse. Na le rata lipotso? Ke etsa joalo. Oh, 'me tseo e ne e le tse lokileng ruri, li ne li le ntle haholo. 'Me ho sa na le sehlopha se seng feela. 'Me, ha e le hantle, tse ling tsa tsona ha li e-so hlahllobjoe ka bottlalo, oh, tse lokelang ho hlahllobjoe li ngata hona. Morena a ke a hlohonolofatse.

²⁵⁴ Lona bohole le behe mohopolo oa lona ho Kreste joale, 'me ha re fetoheng ho tloha lipotsong ho khutlela pholisong ea Khalalelo. Ba ttileng ho rapelloa ba bakae ka mona? Ha re boneng matsoho a lona, le batla ho rapelloa. Ho lokile, re tla ba tlisa le ho ba rapella nakoaneng feela, hang ha likhaitseli tsa rōna li bina sefela sena se monate. E re ba itokisa, holim'a lona hantle joale ho leketlile Tšepiso, ena ke Bibele ea Hae.

[Khaitseli Gertie le morali oa hae ba bina *Lumela Feela*—Mohl.]

Lumela feela, feela . . .

²⁵⁵ Joale, lona ba kulang, nyolohang le teele aletare joale, ha le rata.

Tsohle li lokile, lumela feela;
Lumela feela, lumela feela,
Tsohle li lokile, lumela feela.

²⁵⁶ Joale, Ntate ea Maholimong, kajeno re leboha haholo ka Lengolo lena le sefela sena, "Lumela feela." Re ka utloa U re ho ntate ea tšoeroeng moshanyana oa sethoathoa, "Lumela feela, hobane tsohle li ka etsoa."

²⁵⁷ Joale, re a rapela, Molimo, e re batho bana ba sa tla aletareng ho rapelloa, ka ho ipona re le mona, re le neketifi, neketifi feela; posetifi e re teetse hare feela, Moea o sa shoeng o neng o le holim'a rona o ke ke oa shoa. O tla lula u le teng mengoaheng eohle e sa khaotseng. 'Me joale re tsoela pele joaloka mohlanka oa Hau ea tlotsitsoeng, ho thusa mohaborona ho fuoa thuso, ka sepheo se le seng feela, Ntate, ba tle ba U tlrtlise. 'Me joale e mong le e mong ea emeng mona aletareng hoseng hona, ba

kulang, ba mahlomoleng, joale Moea o Halalelang o fe e mong le e mong oa bona pholiso.

²⁵⁸ 'Me rona joaloka mohlatsoana oa Hau—mohlatsoana, oo likhatseli tsa rōna li sa tsoa bina ka 'ona, "Se tšabe, mohlatsoana," rea tseba, Morena, ke thato ea Hau e molemo ho neha bao 'Muso. 'Me re a tseba hore U haufi kamehla, hobane U itse, "Moo ba babeli kapa ba bararo ba tla phutheha ka Lebitso la Ka, Ke tla ba har'a bona. 'Me eng le eng eo ba e kopang, Ke tla ba neha eona."

²⁵⁹ Joale, ho latela Lentsoe la Molimo le ke keng la hlolleha, Lentsoe la Molimo, abela e mong le e mong pholiso, Morena. 'Me ba eme mona, ba letile. Ha re tloha ho tlotsa ka oli le ho ba beha matsoho holimo, le ho kopa topollo, e mong le e mong oa bona a ke a ee litulong tsa bona, ba khutlele malapeng a bona, ba U rorisa, ka setloaeli, ka ho phethahala, 'me ba phetse. Le ho khutla hape bosiusng bona, Morena, tšebeletsong, ho hlahisa thoriso le khanya ho Molimo ka pholiso ea bona. Aba sena, Morena.

Me e re re sa inamisitse lihlooho tsa rona:

²⁶⁰ Moena Neville, tloo le 'na, ha u rata. Ke batla Moena Fleeman, le Moena Deitzman, kapa motho e mong mona, le Moena Cox, le tle mona bohole le nthuse aletareng. Batikone mona ba kereke ke bona bao ke ba bitsang nakong ena.

²⁶¹ 'Me ha re ntse re ba rapella, le ka ba thusa ha le batla. Ke—ke batla e mong le e mong ka mona a tletse bots'epehi ba 'nete. 'Me ha re ntse re rapella bakuli, ke batla hore le rapele le rona.

²⁶² Ke bona moshanyana ea lutseng morao mono joale, nakoana e fetileng o kene holong mono 'me a tšoeroe ke phallo ea mali. 'Me Morena Jesu ka tsela e makatsang a emisa mali hona joale. Le a bona? Ho bokoe mohau oa Hae, Lebitso la Hae le hlomphuoe. Bonang feela bongata bo hlaphohetsoeng matsatsing a 'maloa a fetileng!

²⁶³ Nahanang feela, eena Morena Jesu ea neng a le teng morao koana mehleng ea baapostola o teng mona joale. 'Me ke ho phethela qetello ea Balichaba. Khato e kholo e haola hara balumeli ba leng ka holim'a ntho ea tlhaho, hoba re lumela hore Molimo o teng mona.

²⁶⁴ Nahanang feela, m'mele oa hau—u tlotsitsoeng o teng mona tabernakeleng joale, Boteng ba Moea o Halalelang e *leng* boemo ba hau bo tlotsitsoeng. U tlotsitsoe ka ho Kreste hona joale! "Bao A ba behileng ba lolkileng, O bile o ba tlotsitse." 'Me 'mele oa hau u tlotsitsoeng o eme haufi le uena hona joale, ka ho Kreste Jesu, ho u fa matla a joalo ka sefutho se kenang kahara bateri. Moea o Halalelang o ka ho uena. Ke ho chaja 'mele ua hau matleng a macha, ho u folisa maloetseng ao u nang le ona, ho u phekola.

²⁶⁵ Joale, ke batla kereke, ha e ka rata, le likhaiseli tsa rona, haeba ba tla bina sefela seo hape. Joale, e mong le e mong oa lona aletareng...

²⁶⁶ Joale, metsoalle, haeba ke le mothetsi, ha ke tsebe 'nete eo. Ke leka ho ba Mokreste, 'me ka pelo ea ka eohle ke leka ho thusa batho. 'Me ke leka ho le thusa, bana ba Molimo. 'Me haeba ke—haeba ke rata Ntate oa ka ea Leholidong, ke tla le rata, bana ba Hae. Haeba ke sa etse joalo... Haeba ke le thetsa, ke lekile ho thetsa Molimo, le bana ba Hae; ha ho motho ea ka thetsang Molimo. Ke leka ho le thusa.

²⁶⁷ Ke ka baka leo Molimo a hlohonolofatsang maikitlaetso a ka. 'Me mohlomong ba futsanehile haholo, 'me ba bang ba bona kea ba soabela, 'me Molimo oa tseba hore kea ba soabela 'me ke bakela maikitlaetso a ka. Empa ke etsa sohle seo nka se khonang ho thusa 'Muso oa Molimo le ho le thusa lōna bana ba Hae. Amohelang Jesu hoseng hona joaloka Mofolisi oa lona, hantle mona kalaneng, le tla khutlela litulong tsa lona le lapeng la lona le setloaeling le koenne hantle.

²⁶⁸ Joale, haeba A ka folisa makholo mona, le likete le likete ho pota lefatše, hobaneng A ke ke a u folisa? Lumela feela. Ho lokile, likhaiseli. Moena Neville, ke batla hore u tle u ba tlotse. [Moena Branham o rapella bakuli, mantsoe a hae ha a hlake—Mohl.]

....?



LIPOTSO LE LIKARABO SST54-0103M

(Questions and Answers)

LETOTO LA BOITSOARO, TSAMAI SO LE THUTO EA KEREKE

Molaetsa wona, ka Moena William Marrion Branham, o rerilwe sethatong ka Senyesemane Sontaha hoseng, Pherekong 3, 1954, Branham Tabernakel, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org